





求子

候胎

胎產大法

逐月養胎法

惡阻

胎動不安

胎上逼心

妊娠經來

漏胎下血

胎漏黃汁下或如豆汁

跌撲傷胎毒藥傷胎

心痛 心腹痛

腹痛

小腹痛

腰腹及背痛

心腹脹滿



門  
第 8 2  
卷 2 8



女科證治準繩卷之四

金壇王肯堂輯 門人新安閔承詒校

胎前門

求子

胡氏孝曰男女交媾其所以凝結而成胎者雖不離乎精血猶為後天滓質之物而一點先天真一之靈氣萌于情欲之感者妙合於其間朱子所謂稟於有生之初悟真篇所謂生身受氣初者是也醫之上土因人無子語男則主於精語女則主於血著論立方男以補腎為要女以調經為先而又參之以補氣行





胎前 女科四  
氣之說察其脈絡究其虧盈審而治之夫然後一舉可孕天下之男無不父女無不母矣

診脈陳楚良曰人身氣血各有虛實寒熱之異惟察脈可知舍脈而獨言藥者妄也脈有十二經應十二時一日一周與天同運循環無端其至也既不宜太過而數數則熱矣又不宜不及而遲遲則寒矣不宜太有力而實實非正氣能自實也正氣虛而火邪來乘以實之也治法先當散鬱以伐其邪邪去而後正可補也不宜太無力而虛虛乃正氣正血虛也治法惟當補其氣血耳亦有男婦上熱下寒表實裏虛而

未得子者法當臨睡時服涼膈之藥以清其上每晨食未入口時服補藥以溫其下暫進升散之藥以達其表又服厚味之藥以實其裏又有女人氣多血少寒熱不調月水違期或後或先白帶頻下而無子者皆當診脈而以活法治之務欲使其夫婦之脈皆和平有力不熱不寒交合有期不妄用精必能生子子不殤歿故欲得子者必須對脈立方因病用藥

仲男子脈浮弱而瀆為無子精氣清冷 脈婦人少腹冷惡寒久年少者得之此為無子年大者得之絕產 脈微弱而澀年少得此為無子中年得此為絕



產 肥人脉細胞有寒故令少子其色黃者胸上有  
寒 少陰脉浮而緊緊則疝瘕腹中痛半產而墮傷  
浮則亡血絕產惡寒

調經 婁胎前之道始於求子求子之法莫先調經每  
見婦人之無子者其經必或前或後或多或少或將  
行作痛或行後作痛或紫或黑或淡或凝而不調不  
調則血氣乖爭不能成孕矣詳夫不調之由其或前  
或後及行後作痛者虛也其少而淡者血虛也多者  
氣虛也其將行作痛及凝塊不散者滯也紫黑色者  
滯而挾熱也治法血虛者四物氣虛者四物加參芪

滯者香附縮砂木香檳榔桃仁玄胡滯久而沉痼者  
吐之下之脉證熱者四物加芩連脉證寒者四物加  
桂附及紫石英之類是也直至積去滯行虛回然後  
血氣和平能孕子也予每治經不調者只一味香附  
末醋為丸服之亦百發百中也 素問云督脈生病  
女子不孕

婦人經事不調即非受孕光景縱使受之亦不全美

宜服六味地黃丸

- 熟地黃 肆兩
- 山茱萸肉 各貳兩
- 山藥 各貳兩
- 白茯苓 伍錢
- 澤瀉
- 牡丹皮



用前

香附米

童便浸參次炒各壹兩

蘄艾葉

去筋醋煮伍錢

右為末煉蜜丸如梧子大每服柒拾丸白沸湯送

下隨後證作湯使或另作煎劑服

經水過期者乃血虛也宜四物湯加參芪陳皮白

朮服之若肥白人是痰多宜二陳加南星蒼朮滑

石芎歸香附之類經水不及期者血熱也四物

加芩連肥人亦兼痰治色紫黑者同血熱論經

將行而作疼者氣滯也用歸身尾香附米及桃仁

紅花黃連以行之或加四物莪朮玄胡索木香熟

加黃芩柴胡經行後作疼者血氣虛也八物湯

婦人多痰宜燥

丹婦人肥盛者多不能孕育以身中有脂膜閑塞子

官以致經事不行瘦弱婦人不能孕育以子宮無血

精氣不聚故也肥人無子宜先服調理藥

當歸

壹兩酒洗

茯苓

貳兩

川芎

柒錢半

白芍藥

白朮

半夏

湯洗

香附米

陳皮

甘艸

各壹兩

作十貼每貼薑叁片水煎吞後左子

白朮

貳兩

半夏麴

川芎

香附米

各壹兩

神麴

炒

茯苓

各半

橘紅

肆錢

甘草

貳錢以上並為末

台前求子

女科四

四



前藥訖却服後愈斯丸  
粥丸每服捌拾丸如熱多者加黃連枳實各壹兩服

附子

茯苓各陸錢

厚朴

杜仲

桂心

秦艽

白薇

半夏

乾薑

牛膝

沙參各貳錢

人參肆錢

細辛伍錢

右為末煉蜜和丸小豆大每服五丸空心酒下加  
至拾丸不妨覺有娠三月後不可更服忌食牛馬  
肉則難產當出月

按此方即秦桂丸也丹溪忌服之者蓋忌於瘦人  
無血者若肥人濕多者又兼前調理藥而所服丸  
數十減其丸只服五分無妨也上三方得之於丹  
溪之子朱懋誠者累試有效

抑氣散 治婦人氣盛於血所以無子尋常頭眩暈

膈滿體疼怔忡皆可服

香附子炒淨貳兩

陳皮焙貳兩

茯神

甘草炙各壹兩

右為細末每服貳錢不拘時白湯調下

海大五補丸

獲人無血



天門冬

麥門冬 去心

菖蒲

茯苓

人參

益智

枸杞子

地骨皮

遠志肉

熟地黃 各等分

右為細末煉蜜丸如桐子大空心酒下參拾丸服本方數服後以七宣丸泄之

增損三才丸

天門冬 酒浸去心

熟地黃 酒蒸

人參 去蘆

遠志 去骨

五味子

茯苓 酒浸

鹿角 酥炙

一法加白馬莖 酥炙

一法加麥門

冬令入有力

一法加續斷以續筋骨 一法

加沉香煖下焦虛冷

右為細末煉蜜和杵千下丸如桐子大每服伍拾

丸空心好酒下年老欲補加混元衣全個入藥元混

衣者是胎衣頭生兒者方佳用酒浸晒乾細剉為末

紫石門冬丸 又名紫石英丸

紫石英

鍾乳石 鷺管通明者二味各七日研之得上一升即熟

天門冬 已上各參兩

當歸

芎藭

紫葳

卷栢

肉桂

乾地黃

牡蒙

禹餘糧 煨醋



石斛 辛夷已上各貳兩 人參  
 桑寄生 續斷 細辛  
 厚朴薑製 乾薑 食茱萸  
 艾葉 白薇 薯蕷  
 烏鰂骨 甘艸炙已上各壹兩半 栝子仁壹兩  
 右件搗羅為末煉蜜丸如梧桐子大酒服拾丸三日漸增至叁拾丸以腹中熱為度不禁房室夫行不在不可服禁如藥法比來服者不至盡劑即有娠此方舊用烏頭牡丹牛膝據藥證此三物俱墮胎求子藥中用之蓋胎未著之時若服之已著

已著而未覺服之未已反為害也今悉去之增鍾乳艾葉白薇茲無疑矣  
 白薇丸 治婦人無子或斷緒上熱下冷百病皆主之

白薇 熟乾地黄 川椒去目及閉口者微炒出油  
 白龍骨已上各壹兩 麥門冬去心焙壹兩半 藁本  
 卷栢 白芷 覆盆子  
 桃仁湯浸去皮尖雙仁熬炒微黃 人參  
 桂心 菖蒲 白茯苓  
 遠志去心已上各柒錢半 車前子 當歸剉微炒



芎藭

乾薑炮製各半兩

蛇床子

細辛

右件藥杵羅為末煉蜜為丸梧子大每服叁拾丸空心日午以溫酒下叁拾丸干之故友江君雅曾仲容俱無嗣因以此方贈之踰年而皆有子後有艾君肅黃翰公者亦然故述之

趙氏菴蓉兔絲子丸

肉苁蓉壹兩叁錢

覆盆子

蛇床子

川芎

當歸

兔絲子各壹兩貳錢

白芍藥壹兩

牡蠣鹽泥固濟煨

烏賊魚骨各捌錢

五味子

防風各陸錢

條芩伍錢

艾葉叁錢

此方不寒不熱助陰生子前藥俱焙乾為末煉蜜丸如桐子每服叁肆拾丸清鹽湯下早晚皆可服加味香附丸男服聚精丸女服此

香附壹斤

四兩老酒浸兩宿炒搗碎再焙乾磨為末四兩米醋浸同上四兩童便浸同上四兩用山梔肆兩煎濃汁去香入香附浸同上

澤蘭淨葉陸兩酒洗

海螵蛸陸兩搗碎炒

當歸肆兩酒洗

川芎叁兩

白芍藥肆兩酒炒

懷熟地捌兩搗

各為末用浮小麥粉酒醋水打糊為丸如菉豆大



每日早晚服兩次忌食萊菔及牛肉生冷

調經丸

香附半斤童便酒醋各浸一分

川杜仲薑汁炒

大川芎

白芍藥

當歸去尾

懷生地

廣陳皮

小茴香酒炒

延胡索畧炒

肉蓯蓉酒浸

舊青皮麩炒

台烏藥炒

枯黃芩酒炒

烏賊魚骨酥炙

以上各肆兩

右十四味足秤真正好料醋和麵打糊為丸如梧  
桐子大每服百丸空心好酒送下 一方無陳皮

地黃有人參黃耆各貳兩

正元丹 調經種子

香附

壹斤同艾參兩先以醋同浸壹宿然後分開製之酒鹽酥童便各製四兩

阿膠

蛤粉炒

枳殼

肆兩半生

懷生地

酒洗

熟地

酒浸

當歸身

酒洗

川芎

炒各肆兩

白芍藥

捌兩半生

加白茯苓琥珀治帶

末之醋糊丸如桐子大空心鹽湯吞伍陸拾丸

子和戴人過譙都管中飲會有一卒說出妻事戴人

問其故荅曰吾婦為室女時心下有冷積如覆盆按

之如冰聲以執手熨之如冰娶來已十五年矣恐斷

水飲

台烏藥

大川芎

九



吾嗣是以去之戴人曰公勿黜也如用吾藥病可除  
孕可得卒從之戴人診其脉寸脉沉而遲尺脉洪大  
有力非無字之候也可不逾年而孕其良人嘆曰試  
之先以三聖散吐涎一斗心下平軟次服白朮調中  
湯五苓散後以四物湯和之不再月氣血合度數月  
而娠一子戴人常曰用吾此法無不子之婦此言不  
誣一婦人年三十四歲夢與鬼神交驚怕異常及  
見神堂陰司舟楫橋梁如此一十五年竟無妊娠巫  
祈覲禱無所不至鑽肌炙肉孔穴萬千黃瘦發熱引  
飲中滿足腫委命于天一日苦請戴人戴人曰陽火

盛于上陰水盛于下見鬼神者陰之靈神堂者陰之  
所舟楫橋梁水之用兩手寸脉皆沉而伏知胸中有  
實痰也凡三湧三泄三汗不旬日而無夢一月而有  
娠

積冷

大盪胞湯治婦人立身以來全不產育及斷絕久  
不產三十年者宜服

朴硝

牡丹皮

當歸

大黃

桃仁

細辛

厚朴

桔梗

赤芍藥

人參

茯苓

桂心

蒸一飯久

去皮尖

各參兩

薑汁炙



甘草

牛膝 去苗

陳橘皮 已上各

附子 炮壹兩半

蝨蟲 去土足炒焦

水蛭 炒枯各拾枚

右件以清酒伍升水陸合者取叁升分四服日三夜一每相去三辰少時更服如常覆被少時取汗汗不出冬月着火籠必下積血及冷赤膿如赤小豆汁本為婦人子宮內有此惡物冷然或天陰臍下痛或月水不調為有冷血不受胎若斟酌下盡氣久弱太困不堪更服亦可二三服即止如大悶不堪可食酢飲冷漿一口即止然恐去惡物不盡不大得藥力若能忍服盡大好一日後仍著坐導藥

藥

坐導藥 治全不產及斷緒服前盪胞湯惡物不盡用此方

皂角 去皮子

吳茱萸

當歸 各貳兩

細辛 去苗

五味子

乾薑 炮各壹兩

黃葵花

白礬 枯

戎鹽

蜀椒 各半兩

右為細末以絹袋大如指長三寸餘盛藥令滿縛定納婦人陰中坐卧任意勿行走小便時去之更安一日一度易新者必下清黃冷汁汁盡止若未



見病出可十日安之本為子宮有冷惡物故令無子值天陰冷則發疼痛須候病出盡方已不可中較每自早晚用蕡菜煎湯薰之

丹秦桂丸論 無子之因多起於婦人醫者不求其因起於何處遍閱古方惟秦桂丸其辭確其意專用溫熱藥近乎人情欣然受之銳然服之甘受燔灼之禍猶懵然不悔何者陽精之施陰血能攝之精成其子血成其胞胎孕乃成今婦人之無子者率由血少不足以攝精也血之少也固非一端然欲得子者必須調補陰血使無虧欠乃可推其有餘以成胎孕何

乃輕用熱劑煎熬臟腑血氣沸騰禍不旋踵矣或曰春氣溫和則萬物發生冬氣寒凜則萬物消隕非秦桂丸之溫熱何以得子臟溫暖而成胎耶予曰詩曰婦人和平則樂有子和則血氣均平則陰陽不爭今得此藥經血必轉紫黑漸成衰少或先或後始則飲食驟進久則口苦而乾陰陽不平血氣不和疾病蜂起焉能成胎縱然成胎生子亦多病而不壽以秦桂丸耗損天真之陰也戒之慎之按秦桂丸施于肥人理補藥亦無妨但忌施于瘦人火多者也

針灸

東婦人無子胞門

在關內左邊二寸五分伍拾壯

又法氣門

在關元傍



各開三寸  
灸伍拾壯

集又法子宮

在中極傍各開三寸  
針入貳寸灸叁米壯

中極

垣又法關元

貳拾壯  
三報穴

甲絕子灸臍中令人有子女子手脚拘攣腹滿疝月

水不下乳餘疾絕子陰痒陰交主之

腹滿疝積聚

餘疾絕子陰痒刺石門

千金云奔豚上少腹堅  
痛下引陰中不得小便  
女

子絕子衄血在內不下關元主之

千金云轉胞不得  
溺小腹滿名石水

痛婦人子門不端少腹苦寒陰痒及痛經閉不通

中極主之

婦人無子涌泉主之

大疝絕子築賓

主之

絕子商丘主之

穴在內踝  
前宛宛中

婦人絕產若未

曾產陰蕪主之

刺入分半  
灸下壹寸

養精

表了凡先生云聚精之道一曰寡慾二曰節勞

三曰息怒四曰戒酒五曰慎味今之談養生者多言

採陰補陽久戰不泄此為大謬腎為精之府凡男女

交接必擾其腎腎動則精血隨之而流外雖不泄精

已離宮未能堅忍者亦必有真精數點隨陽之痿而

溢出此其驗也如火之有烟焰豈有復反于薪者哉

是故貴寡慾精成于血不獨房室之交損吾之精凡

日用損血之事皆當深戒如目勞于視則血以視耗

耳勞于聽則血以聽耗心勞于思則血以思耗吾隨

合方求子

女科

三



事而節之則血得其養而與日俱積矣是故貴節勞  
主閉藏者腎也司疏泄者肝也二藏皆有相火而其  
系上屬于心心君火也怒則傷肝而相火動動則疏  
泄者用事而閉藏不得其職雖不交合亦暗流而潛  
耗矣是故當息怒人身之血各歸其舍則常凝酒能  
動血人飲酒則面赤手足俱紅是擾其血而奔馳之  
也血氣既衰之人數月無房事精始厚而可用然使  
一夜大醉精隨薄矣是故宜戒酒內經云精不足者  
補之以味然濃郁之味不能生精惟恬澹之味乃能  
補精耳蓋萬物皆有真味調和勝而真味衰矣不論

腥素淡煮之得法自有一段冲和恬澹之氣益人腸  
胃洪範論味而曰稼穡作甘世間之物惟五穀得味  
之正但能淡食穀味最能養精又凡煮粥飯而中有  
厚汁滾作一團者此米之精液所聚也食之最能生  
精試之有效 煉精有訣全在腎家下手內腎一竅  
名玄關外腎一竅名牝戶真精未洩乾體未破則外  
腎陽氣至子時而興人身之氣與天地之氣兩相脗  
合精洩體破而吾身陽生之候漸晚有丑而生者次  
則寅而生者又次則卯而生者有終不生者始與天  
地不相應矣煉之之訣須半夜子時即披衣起坐兩



手搓極熱以一手將外腎兜住以一手掩臍而凝神  
于內腎久久習之而精旺矣

葆真丸 專治九醜之疾言莖弱而不振振而不豐  
豐而不循循而不實實而不堅堅而不久久而無  
精精而無子謂之九醜之疾此藥補十二經絡起  
陰發陽能令陽氣入胸安魂定魄開三焦積聚消  
五穀進食強陰益子精安五臟除心中伏執強筋  
骨輕身明目去冷除風無所不治此藥平補多服  
常服最妙七十歲老人尚能育子非常之力及治  
五勞七傷無子嗣者

鹿角膠

半斤剉作豆大就用鹿角霜拌炒成珠研細

杜仲

去粗皮切碎用生薑汁壹兩同蜜少許拌炒斷絲叁兩

乾山藥

白茯苓

去粗皮人乳拌曬乾凡五七次

熟地黃

兔絲子

酒蒸搗焙

山茱萸肉

各壹兩半

北五味子

川牛膝

酒蒸去蘆

益智仁

去殼

遠志

泔煮去骨

小茴香

青鹽叁錢同炒

川棟子

去皮核取淨肉

破故紙

川巴戟

酒浸去心

胡蘆巴

同故帛入羊腸內煮焙乾各壹兩

柏子仁

去殼另研如泥半兩

川山甲

酥炙

沉香

各叁錢

全蝎

去毒壹錢半



右件各製度為極細末以好嫩肉從蓉肆兩酒洗  
淨去鱗甲皮垢開心如有黃白膜亦去之取淨貳  
兩好酒煮成膏同煉蜜和前藥末搗千餘下丸如  
桐子大每服伍拾丸淡秋右湯溫酒任下以乾物  
壓之漸加至百丸服七日四肢光澤唇臉赤色手  
足溫和面目滋潤又能消食理脾輕身和氣語言  
清亮是其効也

千金種子丹 此方服之令人多子并治虛損夢遺

白濁脫卸男子服

沙苑蒺藜

取淨末肆兩如蚕種同州者佳再以重羅羅貳兩極細末貳兩粗末用水

壹大碗熬膏同候

蓮鬚

肆兩極細末朱金色者固精紅色者敗精

山茱萸

極細末叁兩須得壹斤用鮮紅有肉者佳去核取肉製末

覆盆子

南者佳去核取細末貳兩

鷄頭實

伍百箇去殼如大小不一等取細末肆兩

龍骨

伍錢五色者佳火煨煨法以水砂鍋入龍骨鍋內連鍋煨通赤去火毒方用

右用伏蜜壹斤煉以紙粘去浮沫數次無沫滴水  
中成珠者伺候止用肆兩將前五味重羅過先以  
疾藜膏和作一塊再入煉蜜石臼內搗千餘下丸  
如豌豆大每服叁拾丸空心鹽湯送下忌慾事二



十日此藥延年益壽令人多子不可盡述  
聚精丸 男服

黃魚鱈膠

白淨者壹斤切碎用蛤粉炒成珠以無聲為度

沙苑蒺藜

搗兩馬乳浸兩宿隔湯蒸一炷香久取起焙乾

右為末煉蜜丸如梧子大每服捌拾丸空心温酒白湯任下忌食魚及牛肉

五子衍宗丸

男服此藥添精補髓利腎氣不問下焦虛實寒熱服之自能平秘舊稱古今第一種子方有人世服此藥子孫蕃遂成村落之說嘉靖丁亥於廣信鄭中丞宅得之張神仙四世孫子及

數人用之殊驗

甘州枸杞子

兔絲子

酒蒸搗成餅各捌兩

遼五味子

壹兩

覆盆子

肆兩酒洗去目

車前子

炒貳兩

右五品俱擇道地精新者焙晒乾共為細末煉蜜丸如桐子大每服空心玖拾丸上牀時伍拾丸白沸湯或鹽湯送下冬月用温酒送下修合日春取丙丁巳午夏取戊巳辰戌丑未秋取壬癸亥子冬取甲乙寅卯忌師尼鰥寡之人及雞犬六畜見之十子丸 四明沈嘉則無子七十外服之連舉子

槐角子

和何首烏蒸柒次

覆盆子

枸杞子

去枯者及蒂



桑椹子  
 柏子仁酒浸  
 北五味子去枯者打碎蜜  
 冬青子四味共蒸  
 沒石子照雪  
 蛇床子蒸  
 兔絲子製去殼  
 右為末煉蜜丸如梧桐子大每服伍陸拾丸淡鹽湯下乾點心壓之

趙氏加味六子丸  
 兔絲子淘洗  
 川牛膝去蘆  
 麥門冬去心  
 山茱萸取肉  
 原蠶蛾  
 五味子各壹兩  
 蛇床子酒蒸壹  
 車前子淘洗壹  
 大甘草炙壹兩  
 沙苑蒺藜馬乳  
 覆盆子各貳兩  
 破故帛貳兩叁錢

肉苁蓉貳兩伍錢  
 腎雖屬水不宜太冷精寒則難成孕如天地寒涼則草木必無萌芽也此方極意斟酌不寒不熱得其中和修合服之如一陽初動萬物化生二三月後必孕成矣前藥俱焙乾剉碎為末煉蜜丸如桐子大每服叁拾丸或肆拾丸清鹽湯送下早晚皆服

**針灸** 治男子無子者用熟艾壹團用鹽填臍滿却於鹽上隨鹽大小做艾丸灸之如痛即換鹽直灸至艾盡為度如一日灸不盡一百二百灸之曾效



**知時**表了凡先生云天地生物必有網緼之時萬物化生必有樂育之時如猫犬至微將受妊也其雌必狂呼而奔跳以網緼樂育之氣觸之而不能自止耳此天然之節候生化之真機也世人種子有二三十時辰兩日半二十八九君須算此特言其大槩耳非的論也丹經云一月止有一日一白止有一時凡婦人一月經行一度必有一日網緼之候於一時辰間氣蒸而執昏而悶有欲交接不可忍之狀此的候也於此時逆而取之則成丹順而施之則成胎矣其曰三日月出庚又曰温温鉛鼎光透簾幃皆言其景象

也當其慾情濃動之時子宮內有如蓮花蕊者不拘經淨幾日自然挺出陰中如蓮蕊初開內人洗下體以手探之自知也但含羞不肯言耳男子預密告之令其自言一舉即中矣

**成胎**丹溪云成胎以精血之後先分男女者褚澄之論也愚竊惑焉後閱東垣方有曰經水斷後一二日血海始淨精勝其血感者成男四五日後血脉已旺精不勝血感者成女此論亦為未瑩何以言之易曰乾道成男坤道成女夫乾坤陰陽之性情也左右陰陽之道路也男女陰陽之儀象也父精母血因感而



會精之泄陽之施也血能攝之陰之化也精成其骨  
此萬物之資始於乾元也血成其胞萬物之資生於  
坤元也陰陽交媾胎孕乃凝胎之所居名曰子宮一  
系在下上有兩岐一達於左一達於右精勝其血及  
剛日陽時感者則陽為之主受氣於左子宮而男形  
成精不勝血及柔日陰時感者則陰為之主受氣於  
右子宮而女形成或曰分男分女吾知之矣其有雙  
胎者將何如曰精氣有餘岐而分之血因分而攝之  
故也若夫男女同孕者剛日陽時柔日陰時感則陰  
陽混雜不屬左不屬右受氣于兩岐之間者也亦有

三胎四胎五胎六胎者猶是而已或曰其有男不可  
為父女不可為母與男女之兼形者又若何而分之  
耶予曰男不可為父得陽道之虧者也女子不可為  
母得陰道之塞者也兼形者由陰為駁氣所乘而為  
狀不一以女兼男形者有二一則遇男為妻遇女為  
夫一則可妻而不可夫又有下為女體上具男之全  
形此又駁之甚者也或曰駁氣所乘獨見於陰而所  
成之形又若是之不同邪予曰陰體虛駁氣易於乘  
也駁氣所乘陰陽相混無所為主不可屬左不可屬  
右受氣于兩岐之間隨所得駁氣之輕重而成形故



所兼之形有不可得而同也。婁金善云丹溪此論極造精微發前人之未發是知男女之分已定於萬物資始乾元之際陰陽交媾之時昧者不悟是理妄有轉女爲男之法惑矣夫萬物皆資始於乾元獨男女之分不資始於乾元乎。表先生云巢氏論婦人妊娠一月名胎胚足厥陰脉養之二月名始膏足少陽脉養之三月名始胎手心脉養之四月始受水精以行血脉手少陽脉養之五月始受火精以成其氣足太陰養之六月始受金精以成其筋足陽明脉養之七月始受木精以成其骨手太陰脉養之八月始

受土精以成膚革手陽明脉養之九月始受石精以成毛髮足少陰脉養之十月臟腑關節人神俱備此其大略也若求其細則受胎在腹七日一變展轉相成各有生相大集經備矣今婦人墮胎在二月五月七月者多在二四六月者少臟陰而腑陽三月屬心五月屬脾七月屬肺皆在五臟之脉陰常易虧故多墮耳如昔曾二月墮胎則心脉受傷須先調心不然至三月復墮昔曾五月墮胎則脾脉受傷後至五月復墮宜先治脾惟有一月之內墮胎則人皆不知有胎但知不受妊不知其受而墮也一月屬肝怒則墮



胎前 女科四  
多洗下體則竅開亦墮一次既墮則肝脉受傷他次亦墮今之無子者大半是一月墮胎非盡不受妊也故凡初交之後最宜將息勿復交接以擾其子宮勿令怒勿令勞勿令舉重勿令洗浴而又多服養肝平氣之藥胎可固矣 程鳴謙云褚澄氏言男女交合陰血先至陽精後衝而男形成陽精先入陰血後叅而女形成信斯言也人有精先洩而生男精後泄而生女者獨何歟東垣曰經水纔斷一二日血海始淨感者成男四五日血脉已旺感者成女至于六七日後則雖交感亦不成胎信斯言也人有經始斷交合

生女經又斷交合生男者亦有四五日以前交合無孕八九日以後交合有孕者獨何歟俞子木撰廣嗣要略著方立圖謂實陽能入虛陰實陰不能受陽即東垣之故見也又謂微陽不能射陰弱陰不能攝陽信斯言也世有尪羸之夫怯弱之婦屢屢受胎雖欲止之而不能止者亦有血氣方剛精力過入顧乃艱于育嗣而莫之救者獨何歟朱丹溪論治專以婦人經水為主然富貴之家侍妾已多其中寧無月水當期者乎有已經前夫頻頻生育而娶此以圖其易者顧亦不能得胎更遣與他人轉盼生男矣豈不能受



孕于此而能受孕于彼乎愚以為父母之生子如天地之生物易曰坤道其順乎承天而時行夫知地之生物不過順承乎夫則知母之生子亦不過順承乎父而已知母之順承乎父則種子者果以婦人為主乎以男子為主乎然所謂主於男子者不拘老少不拘強弱不拘康寧病患不拘精易洩難洩只以交感之時百脉齊到為善耳交感而百脉齊到雖老雖弱雖病患雖易洩亦可以成胎交感而百脉參差雖少雖強雖康寧雖難洩亦難以成胎矣婦人所構之血固由于百脉合聚較之男子之精不能無輕重之分也孔子贊乾元資始曰大贊坤元資生曰至得無意乎若男女之辨又不以精血先後為拘不以經盡幾日為拘不以夜半前後交感為拘不以父強母弱母強父弱為拘只以精血各由百脉之齊到者別勝負耳是故精之百脉齊到有以勝乎血則成男矣血之百脉齊到有以勝乎精則成女矣至有既孕而小產者有產而不育有育而不壽者有壽而黃者無疆者則亦精血之堅脆分為脩短耳世人不察其精血之堅脆已定于稟受之初乃以小產專責之母以不育專付之兒以壽夭專諉之數不亦謬乎



*[Faint bleed-through text from the reverse side of the page]*

候胎

診婦人懷軀七月而不可知時時衄血而轉筋者此為軀也衄時噫而動者非軀也 素問云婦人足少

陰脉動甚者任子也 平人氣象論謂太溪脉也全元起本作足少陰王水本作手

太陰當從全本○王註云動脈者如豆厥厥動搖也一說動甚謂動搖太甚也 陰搏陽別

謂之有子 陰陽別論○王註云陰謂尺中也搏謂搏

孕之 兆

脉妊娠初時寸微小呼吸五至三月而尺數也脉滑疾重以手按之散者胎已三月也脉重手按之不

散但疾不滑者五月也 此即陰搏陽別之義言尺脉滑數寸脈微小而尺與寸脈別者

胎前候胎

女科四

三



胎前  
尺脉左偏大為男右偏大為女左右俱大產  
也  
二子夫者如實狀亦陰搏陽別之義謂尺脉實大與寸脉殊別但分男左女右也  
婦人妊娠四月欲知男女法左疾為男右疾為女俱疾為生二子而疾在左為男在右為女遣妊娠人面南行還復呼之左迴首者是男右迴首者是女看上圍時夫從後急呼之左迴首者是男右迴首者是女也  
婁全善云按丹溪云男受胎在左子宮女受胎在右子宮斯言大契是說也蓋男胎在左則左重故回首時慎護重處而就左也女胎在右則右重故回首時慎護重處而就右也推之於脉其義亦然

胎在左則血氣護胎而盛於左故脉亦從之而左疾為男左大為男也胎在右則血氣護胎而盛於右故脉亦從之而右疾為女右大為女也亦猶經云陰搏陽別謂之有子言受胎處在臍腹之下則血氣護胎而盛於下故陰之尺脉鼓搏有力而與陽之寸脉殊別也又如癰癩發上則血氣從上而寸脉盛發下則血氣從下而尺脉盛發左則血氣從左而左脉盛發右則血氣從右而右脉盛也丹溪以左大順男右大順女為醫人之左右手蓋智者之一失也  
診婦人有妊娠歌 肝為血兮肺為氣血為榮兮氣為

胎前候胎

女科四

五



衛陰陽配耦不參差兩臟通和皆類例血衰氣王定

無孕血王氣衰應有體肝藏血為榮屬陰肺主氣為

匹配偶合構精乃有子也若血少氣寸微關滑尺帶

數流利往來并雀啄小兒之脉已見形數月懷耽猶

未覺寸脉微關脉滑尺脉帶數及流利雀啄皆是經

脉是懷小兒之脉已見形狀也左疾為男右為女流利相通速來去

兩手關脉大相應已形亦在前通語左手脉疾為懷

懷女及兩脉流行滑利相通疾速來去是或左手帶

縱兩箇兒賊脉也名曰縱見在左手則懷兩箇男兒

也右手帶橫一雙女行乘金即所勝脉也名曰橫見

於右手則懷一雙女子也左手脉逆生三男逆者子乘母也是水

已生脉也名曰逆見於右手脉順還三女順者母乘

行乘水木行乘火即生巳之脉也名寸關尺部皆相

應一男一女分形證寸關尺部脉大小遲疾相應者

關前為陽關後為陰陰陽有時子死母身存或即母

亡存子命此二句之文無辨往來三部通流利滑數

相參皆替替陽實陰虛脉得明遍滿胸膛皆逆氣寸若

關尺三部通行流利皆替替有力而滑數皆是陽左

實陰虛之脉主婦逆氣遍滿胸膛而不順也

手太陽浮大男左手寸口為太陽其脉右手太陽沉

細女右手寸口為太陰其脉諸陽為男諸陰女指下分

脈沉細是懷女脉也

脈沉細是懷女脉也

脈沉細是懷女脉也

脈沉細是懷女脉也



明長記取也諸陽脈皆為男即浮大疾數滑實之類是也

當懷三部沉正等無絕尺內不止真胎婦寸關尺三部

正直齊等舉按無絕斷及尺內夫乘妻兮縱氣霧

舉按不止住者真的懷胎婦也夫乘妻兮縱氣霧

縱者夫乘妻也水行乘火金行乘木即鬼賊脈也縱

氣霧霧露也又上下也謂夫之陽氣乘妻之陰氣二

霧潤結子也妻乘夫兮橫氣助前註謂兩旁橫氣

相助也子乘母兮逆氣參逆者子乘母也謂子氣犯母

母乘子兮順氣護是母氣乘於子氣為順氣相護衛

左以成小兒日足胎成聚身熱脈亂無所苦小兒懷

形也箇月是以數足胎成就而結聚也必身壯熱當

見脈躁亂非病苦之證謂五月胎已成受火精以成

氣故身熱脈汗出不食吐逆時精神結備其中佳

亂是無病也

娠受五行精氣以成形稟一經以繫其母懷妊至五

月其胎雖成其氣未備故胎氣未安上衝心胸則汗

山不食吐逆名曰惡阻俗呼選滑疾不散三月胎

飯唯思酸辛之味以調胎氣也

三月名始胎此是未有定儀心平脈養之故脈見滑

疾流利為少氣多血不散為血氣盛則始結為胎也

但疾不散五月母其脈但疾數而不散者弦緊牢強

滑利安沉細而微歸泉路孕婦之脈宜弦緊牢強滑

微謂脈與形不相應故云死也前文雖云太陰沉細

又云諸陰為女其說似有相違謂三部脈皆不沉細

及微故不同也

驗胎法海神方驗胎散 婦人三兩個月月經不行 疑是兩身却疑血滯心煩寒熱恍惚此藥可驗取 之內也外已有身病無邪脈以素問脈法推之十



得八九矣

真雀腦壹兩

當歸

全用重壹兩者只用柒錢

右為細末分作兩服濃煎好艾湯壹酸調下或好酒調服亦得可待三兩箇時辰間覺腹臍微動仍頻即有胎也動罷即愈安穩無虞如不是胎即不動所滯惡物自行母亦安也如服藥不覺効再煎紅花湯調下必有神効

靈苑治婦人經脉住三箇月驗胎法真川芎為細末濃煎艾湯下一七投腹內漸動是有胎也

探胎散 婦人胎氣有無疑惑之間以此探之存胎

則吐無則不吐

皂角

去皮

甘草

炙各壹錢

黃連

半錢

右為細末作壹服温酒調服

博陵醫之神者曰郝翁士人陳堯遵妻病眾醫以為勞傷郝曰亟屏藥是為娠證且賀君得男子已而果然又二婦人妊一暗黑不能言郝曰兒胎大經壅兒生經行則言矣不可毒以藥一極壯健郝診其脉曰母氣已死所以生者及侍兒氣耳如期子生母死不語非病也聞如此者不須服藥臨產日但服保生丸四物湯之類產後便語亦自然之理非藥之力也一婦暴渴惟飲五味汁名醫耿隅診其脉曰此血



欲疑非疾也已而果孕古方有血欲疑而渴飲五味之證不可不知也 潘璟診虞部員外郎張咸之妻孕五歲南陵尉富昌齡妻孕二歲團練使劉葵孫妾孕十有四月皆未育温叟視之曰疾也凡醫妄以爲有孕爾於是與破血攻毒大劑飲之虞部妻墮肉塊百餘有眉目狀昌齡妻夢一童子色漆黑倉卒怖悸疾走而去孫妾墮太蛇猶蜿蜒未死三婦皆無恙 陳斗崑治葉南洲妻經閉五月下白或赤午後發熱咳嗽嘔吐醫爲勞瘵陳視曰兩尺脉皆實此必有孕外受風邪搏激故耳飲清和之劑而安半年生子

### 胎產大法

潔治胎產之病從厥陰經論之無犯胃氣及上三焦謂之三禁不可汗不可下不可利小便發汗者同傷寒下早之證利大便則脉數而已動于脾利小便則內亡津液胃中枯燥製藥之法能不犯三禁則榮衛自和而寒熱止矣如發渴則白虎氣弱則黃耆血刺痛而和以當歸腹中疼而加之芍藥大抵產病天行從增損柴胡雜證從增損四物宜詳察脉證而用之大抵外則和於榮衛內則調於清便同傷寒壞證治之 李仲南胎前病唯當安胎順氣若外感四氣



內傷七情以成他病治法與男子無異當於各證類中求之但胎前治他證者動胎之劑切須審詳爾

丹胎前當清熱養血產前安胎白朮黃芩妙藥也

胎前將臨月以三補丸加炒香附炒白芍藥蒸餅

丸服又抑熱以三補用生地黃膏丸地黃膏丸之

有孕八九箇月必順氣枳殼蘇莖前至八九月

因火動胎逆上作喘急者可用條芩香附之類為末

調下條芩於水中沉取重者用之固胎地黃半錢

當歸身尾人參白芍陳皮各壹錢白朮壹錢半甘草

叁分黃芩川芎各半錢黃連炒藥各少許桑上羊兒

藤即金銀花七葉完者糯米拾肆粒吹咀煎服血虛不安

者用阿膠痛者用硝砂行血氣故也

夷堅志云政和中蔡魯公之孫婦有孕及期而病國

醫皆以為陽證傷寒懼胎墮不敢投以涼劑張銳至

視之曰兒處胎十月將生矣何藥之能敗即以常法

與藥且使倍服之半日而兒生病亦失去明白其婦

大泄而喉閉不入食眾醫復指其疵且曰二疾如米

炭又產蓐甫近雖司命無如之何矣張曰無庸憂也

將使即日愈乃取藥數十粒使吞之咽喉即通下泄

亦止及滿月魯公酌酒為壽曰君術通神吾不敢知



敢問一藥而愈二疾何也張曰此于經無所載特以  
意處之向者所用藥乃附子理中丸裹以紫雪爾方  
喉閉不通非至寒藥不為用既以下咽則消釋無餘  
其得至腹中者附子力也故一服而兩疾愈公大加  
嘆異

汪機治一婦常患橫生逆產七八胎矣子皆不育汪  
診脉皆細澁頗弦曰此氣血兩虛兼熱也或曰氣血  
有餘方成妊娠氣血既虧安能胎耶汪曰觀其形長  
瘦而脉細濡屬于氣血兩虛色青脉弦屬于肝火時  
熾而兩尺浮滑似血虛為輕而氣虛為重也宜以補

陰丸除陳皮倍加香附參芪蜜丸服之常令接續踰  
年臨產果順而育一子

保生丸局養胎益血安和子臟治妊娠將理失宜或  
因勞役胎動不安腰腹痛重胞阻漏胎惡露時下  
子臟校疾久不成胎或受妊不能固養痿燥不長  
過年不產日月雖滿轉動無方或致損墮及臨產  
節適乖宜驚動太早產時未至惡露先下胎胞枯  
燥致令產難或橫或逆痛極悶亂連日不產子死  
腹中腹上冰冷口唇青黑吐出冷沫新產惡血上  
衝運悶不省喘促汗出及瘀血未盡臍腹疔痛寒



熱往來或因產勞損虛羸未復面黃體瘦心忪盜汗飲食不進漸成羸勞入月常服壯氣養胎正順產理潤胎易產產後常服滋養血氣和調陰陽密勝理實腑臟治風虛除痼冷

大麻仁去殼壹兩半

黃芩

大豆黃卷

粳米

甘州炙微赤

乾薑炮

肉桂去麤皮

石斛去根

石膏細研

秦椒微炒出汗各壹兩

當歸去蘆炒半兩

右為細末煉蜜和丸如彈子大每服壹丸並用溫酒或棗湯化下嚼燕亦得空心食前服

交感地黃煎丸

治婦人產前產後眼見黑花或即發狂如見鬼狀胞衣不下失音不語心腹脹滿水穀不化口乾煩渴寒熱往來口内生瘡咽中腫痛心虛忪悸夜不得眠產後中風角弓反張面赤牙關緊急崩中下血如豚肝狀臍腹疔痛血多血少結為癥瘕恍惚昏迷四肢腫滿產前胎不安產後血刺痛皆治之

生地黃淨洗研以布絞汁留滓以生薑汁炒地黃滓以地黃汁炒生薑滓各至乾為末

生薑淨洗爛研以布絞汁留滓各貳斤

當歸去蘆

延胡索拌糯米炒赤去米

琥珀別研各壹兩

蒲黃炒香肆兩



右為末蜜丸彈子大當歸湯化壹丸食前服  
琥珀丸 治婦人胎前產後百病及療三十六種血  
冷七疝八瘕心腹刺痛卒中癱瘓半身不遂八風  
十二痺手足痠疼乳中毒結瘀血懷胎驚動傷犯  
不安死胎不出并胎衣不下並宜服之

琥珀 另研  
辰砂 另研  
阿膠 碎炒  
五味子 揀淨  
石斛 去根  
附子 炮去皮  
肉桂 去粗皮  
沉香 不見火  
川芎 各半  
牛膝 去蘆酒浸  
當歸 去須炒  
肉苁蓉 酒浸  
人參 續斷 沒藥 研

熟地黄

木香 不見火 各壹兩

右為細末煉蜜和丸如彈子大每服壹丸空心煖  
酒化下午後食前再服能生新血去惡血若腹  
脇疼痛繞臍如刀刺及嘔逆上氣築心痰毒不思  
飲食用薑汁少許和酒化服 諸痢及赤白帶下  
血冷崩中下血漏胎下血用生薑與艾剉炒令赤  
色入酒同煎數沸去滓調服 泄瀉不止陳米飲  
化服 澀尿諸淋煎通草燈心湯服 血暈不知  
入煎當歸酒調服 上熱下冷煎人參湯服 遍  
身虛腫水氣煎赤小豆湯服 產內一毒傷寒及



中風角弓反張如板硬煎麻黃湯服以衣被蓋出汗月經不通或間雜五色頻併而下斷續不止飲食無味肌膚瘦劣面赤唇焦乍寒乍熱四肢煩疼五心燥熱黑黥遍身血斑赤腫走注反血風勞傷無力用童子小便入薑汁少許調服常服以童便為妙若恐惡心和以半酒如懷胎婦於臨月一日一服至產下不覺疼痛或服至五服十服日倍飲食是藥力也其功不能具述

龍鬚湯

治胎前產後身疼保室論云身疼者肌體不實而受風邪客於經絡邪氣與正氣相搏交擊

於骨肉之間故身疼而不動用龍鬚湯主之若妊娠而患身體疼者必因勞役過多致使然也不爾經絡受風寒愈痛丸防風湯主之產者若因勞役身疼而不能動轉者良由產後百節開張血脉流走氣弱則骨肉之間血多凝滯是故百節經脈緊急腰背不能轉側手足不能動搖身熱若納炭頭如釘釘醫者不識妄為傷寒發汗變生他證宜服

黃芪 壹兩 蜜炙

急用酒蒸 熟為度

獨活 去蘆

當歸 去蘆 酒浸

白朮

甘草 各貳錢半

牛膝 洗去苗酒 浸壹宿如 防風 去蘆



右吹咀每服半兩水伍盞生薑拾片薤白壹握同煎至參盞去滓不拘時服

佛手散 治產前產後腹痛體熱頭疼及纜產未進別物即先服此藥逐敗血生新血能除諸疾

川芎

貳兩

當歸

參兩

右為細末每服貳錢水壹盞酒貳分同煎柴分溫服一方為麤末每服肆錢水柒分酒參分同煎至柒分熱服未產前先安排此藥將兩服藥煎之產了速進之三百內日二服三日外一服 一方名芎歸湯只此二味等分吹咀水煎專治失血傷

胎去血產後去血崩中去血金瘡去血拔牙去血不止一切去血過多心煩眩暈悶絕不省人事頭重目暗舉頭欲倒悉能治之若產後眩暈宜加芍藥服之 一名桂香散治產後腹疼不可忍者加桂心等分酒與童子小便合煎服之立効 一名當歸湯治妊娠子死或未死胎動不安每服用酒水合煎連進數服胎若已死服之便下若未死其胎即安此經累効萬不失一 一名琥珀散臨月服之只縮胎易產兼治產後諸疾 一名羊肉湯治虛損羸乏腹中疝痛往來寒熱吸吸少氣不能



支持頭眩自汗腹內拘急每服用精羊肉壹兩生薑拾片水貳盞煎至陸分温服 一名君臣散治婦人室女心腹疴痛經脉不調用米煎服 若妊婦胎氣不安產後諸疾加酒煎服 一名芎當散治婦人血氣上喘下腫一味等分為細末每服貳錢空心煎艾湯調下又治產後損身血衝心及腹脹氣絕者神驗 難生倒橫子死腹中先用黑豆壹大合炒熟水壹盞入童子小便壹盞藥末四錢同煎至壹盞以上分為二服未效再作 產後惡血注心迷悶喘急腹痛依前用黑豆加生薑自

然汁半合煎服 治臟毒每服壹錢半入炒槐花末半錢水壹盞煎至陸分無時服三日取下血塊即愈 如產後頭疼加荆芥煎如吐血亦宜服之 若產難多用百草霜香白芷等分為末名烏金散每服貳錢童子小便好醋各壹合沸湯浸服止一服見效甚者再服已分免矣 一法以五積散加醋煎服亦能催生 崩中漏下失血過多久不能止用芎歸湯療之不止者宜以香附子炒去皮毛為細末每壹兩入甘草末壹錢清米飲點服名順元湯 有白帶者於順元湯內加芍藥半兩或



謂香附耗氣則不然許學士謂滋血養氣婦人仙藥雖羸人亦宜服之 兼治男女吐衄便利及諸證失血用此藥佐以米飲九百草霜末每服百餘丸或以其他燒灰藥皆能作効不可遽以燥澁之劑止之必致壅遏腐敗必生他證大抵血不能行氣使之然者氣得其平則血循故道必無妄行之患矣香附子善能導氣用之勿疑也

返魂丹

治婦人胎前產後諸疾危證

右用赤箭卽野天麻葉似艾葉開紫花如紅蓼花子名充蔚子又名益母草又名大札又名貞蔚又

名負擔端五日採取陰乾用葉及花子以磁器研爲細末煉蜜和丸如彈子大隨後治證嚼服其根燒存性爲末酒調服功與黑神散不相上下 如胎前臍腹作痛或作聲者溫米飲下 胎前產後臍腹刺痛胎動不安下血不止水煎秦苳糯米湯下或當歸湯亦可 如產時先用壹丸以童子小便化下安魂定魄自然氣血調順諸病不生又能破血止痛養脉息調經絡溫酒下 產後胎表不下血在胞中及橫生不順死胎經白不下者脹滿腹中心悶心痛炒鹽湯下 產後中風牙關緊急



半身不遂失音不語童子小便無灰酒各半下  
產後咳嗽胸膈不利惡心口吐酸水面目浮腫兩  
脇痛舉動失力者溫酒下 產後兩太陽痛呵欠  
心忡氣短肌體羸瘦不思飲食血風身熱手足頑  
麻百節疼痛溫米飲湯下 產後眼前黑暗血暈  
血熱口渴煩悶如見鬼神狂言不省人事薄荷自  
然汁如無生者濃煎薄荷湯下及童子小便酒各  
半亦可 產後面垢顏赤五心煩熱或結成血塊  
臍腹奔痛時發寒熱有冷汗者童子小便酒各半  
下溫薄荷自然汁亦可 產後餘血惡露不盡結

滯臍腹刺痛惡物上衝心胸生悶者童子小便酒  
各半下 產後大小便不通煩躁口苦者薄荷自  
然汁下如無生者濃煎薄荷湯下 產後瀉血者  
水煎棗湯下 產後白帶下者煎膠艾湯下 月  
水不調溫酒下 血崩漏下溫酒下 婦人久無  
子息溫酒下服之拾九至貳拾九亦能注喜 一  
子死腹中蓋因卒病臟腑熱極蒸其胎是以子死  
也蓋子死不居子宮或墮胎於腹間冷痛小便沫  
出腹脹四肢逆冷爪甲青者是也或臨產之時此  
藥安魂定魄血氣自然調順諸疾不生破血補虛



止痛養血氣調經絡酒童子小便各柴分化下  
二難產者胎以食母之血十月滿足則餘血結成  
塊俗呼為兒枕欲產之時血塊先動敗血裹其子  
是以難產或產後惡物不盡臍腹刺痛惡物上衝  
心胸生悶用童便酒各柴分化下 三垢面顏赤  
胎表不下既產了臟腑虛羸五心煩躁血流入衣  
中則難出發寒執有冷汗出但去其敗血其衣自  
出如帶斷了服此藥下或橫生不順心悶欲死者  
童便酒各柴分化下薄荷自然汁鹽湯亦可 四  
產後三日起卧不得眼前黑暗生花蓋產後血氣

未定運走五臟入肝則目昏俗為暗風醫家以風  
治之或血熱口乾煩渴心悶亂如見鬼神狂言妄  
語不省人事童便酒各柴分薄荷自然汁亦可  
五產後口乾心悶及煩渴者血氣未定即食熱麵  
積滯在內以致熱躁煩渴者俗為胸膈壅盛或兩  
太陽穴痛呵欠怔忡氣短身體羸瘦不思飲食血  
風身熱手足頑麻百節疼痛甚者溫米飲童便各  
柴分化下 六產後四肢浮腫及寒熱者蓋因敗  
血流入五臟滲入四肢停留日久化為膿狀氣喘  
或小便澀或咳嗽胸膈不利惡心口吐酸水兩脇



疼痛舉動乏力温酒化下 七產後寒熱往來蓋  
因敗血入心則熱入脾則寒狀如瘧臍腹作痛或  
作聲温米飲化下桂枝湯亦可 八產後中風牙  
關緊急半身不遂失音不語童便酒各米分化下  
九產後痢未經月滿或誤食物下與血相攻擊  
前所積受濕以此敗血相攻棗湯下 十產後大  
便秘結口苦煩渴非特不語乃敗血衝心蔽其心  
孔童便酒各米分化下薄荷汁亦可 十一產後  
遍身疼痛百節開張血乘虛流入腸中停留不散  
臍腹疼痛米飲化下 十二產後崩中漏下不止

蓋是傷酸物狀如雞肝脊背倦悶煎糯米秦艽湯  
化下當歸桂枝湯亦可 十三產後未經月滿血  
氣不通蓋是月水未還或食熱麵壅結成塊喘嗽  
四肢無力多睡而汗出不止月水不調為骨蒸勞  
便服此藥童便酒各米分化下 十四產後吐逆  
不止蓋因敗血停於脾胃即發吐逆胃膈虛脹俗  
為反胃温酒化下 十五產後鼻衄口乾舌黑蓋  
因心臟熱則舌黑鼻衄也童便酒各米分化下  
十六產後赤白帶下煎秦艽湯下 十七產後氣  
急喉中猶聲者蓋因敗血衝心入喉中萬無一瘥



矣 十八產後中風者蓋因未經七日勞重則百  
日之中傷房事中風初病之狀眼澁腰強筋急角  
弓反張牙關緊急若此者皆自傷犯耳 十九產  
後面色黑及遍身生黑靨者乃敗血入皮膚萬無  
一瘥矣

內炎散 治婦人產前產後一切血疾血崩虛憊腹  
脇疝痛氣逆嘔吐冷血冷氣凝積塊硬刺痛泄下  
青白或下五色腹中虛鳴氣滿堅脹瀝血腰疼口  
吐青水頻產血衰顏色青黃勞傷劣弱月經不調  
下血墮胎血迷血暈血痕時發疼痛頭目眩暈惡

血上心悶絕昏迷惡露不乾體虛多汗手足逆冷  
並宜服之

藿香葉

丁香皮 各壹兩半

當歸 去蘆洗

藁本 去蘆剉

黃芪 去蘆各貳兩

白芍藥 拾兩

肉桂 去蘆皮

甘艸 炙赤

白朮

乾薑 炮

木香 壹兩

茴香 壹兩半

熟乾地黄 洗焙

山藥

白芷 各捌兩

川芎

陳皮 去白肆兩

右剉散每服叁錢水壹大盞入生薑五片艾壹團  
同煎至柒分空心食前熱服為末溫酒調下亦得



如產後下血過多加蒲黃煎服惡露不快加當歸  
紅花煎服水瀉加肉豆蔻末煎服嘔吐加藿香生  
薑煎上熱下冷加荊芥煎但是腹中虛冷血氣不  
和並宜服產後每日一服則百病不生丈夫虛冷  
氣刺心腹疼痛尤宜服之

**食忌**

一受孕之後切宜忌不可食之物非惟有感動  
胎氣之戒然於物理亦有厭忌者設或不能禁忌非  
特延月難產亦能令兒破形母損可不戒哉

食雞肉糯米合食令子生寸白蟲 食羊肝令子  
多厄 食鯉魚鱠及雞子令兒成疳多瘡 食大

肉令子無聲音

食兔肉令子唇缺

食鼈令子

項短及損胎

食鴨子共桑椹同食令子倒生心

寒 食螃蟹令子橫生

食雀肉合豆醬食之令

子面生黥黯黑子

食豆醬合藿香食之墮胎食

水漿絕產

食雀肉令子不恥多淫

食山羊肉

令子多病

食生薑令子多指生瘡

食蝦蟇鱉

魚令兒瘖瘂

食驢騾馬肉延月難產

如此之類無不驗者則知聖人胎教之法矣

**藥忌**

蚘蟹水蛭地膽蟲烏頭附子配天雄躑躅野葛  
蜈蚣類烏喙側子及蚤蟲牛黃水銀并巴豆大戟蛇



蛻及蜈蚣牛膝藜蘆并蕙苡金石錫粉及雌雄牙硝  
芒硝牡丹桂蜥蜴飛生及麝蟲代赭炸蟬胡粉麝茸  
花薇御草三稜槐子牽牛并皂角桃仁螻蛄和茅根  
欖根硃砂與乾漆亭長波流茵草中藿麥蘭茹蟹爪  
甲蝟皮赤箭赤頭紅馬刀石蠶衣魚等半夏南星通  
草同乾薑蒜雞及雞子驢肉兔肉不須供切須婦人  
產前忌此歌宜記在心宵

**起居忌**便產須知云勿亂服藥勿過飲酒勿妄針灸  
勿向非常地便勿舉重登高涉險心有大驚犯之產  
難子疾病勿多睡卧時時行步體虛腎氣不足生子

解顱腦破不合宜溫補脾胃不和榮衛虛怯子必羸  
瘦自家及鄰家修造動土犯其胎氣令子破形殞命  
刀犯者形必傷泥犯者竅必塞打擊者色青黯繫縛  
者相拘攣有此等驗如影響切宜避之



逐月養胎法

烏雞

北齊名醫徐之才云妊娠一月名始胚飲食精熟酸  
 美受御宜食大麥母食腥辛是謂纔正妊娠一月  
 足厥陰脉養不可針灸其經如大敦行間太衝中封  
 足厥陰內屬于肝肝主筋及血一月之時血行否澀  
 不為力事寢必安靜無令恐畏

妊娠一月陰陽新合為胎寒多為痛熱多卒驚舉重  
 腰痛腹滿胞急卒有所下當預安之宜服  
 烏雌雞湯

烏雌雞壹隻治茯苓

阿膠各貳兩

胎前逐月養胎

四日



吳茱萸 壹升

麥門冬 伍合

人參

芍藥

白朮 各叁兩

甘草

生薑 各壹兩

右咬咀以水壹斗貳升者雞取汁陸升去雞下藥

煎取叁升內酒叁升并膠烱盡取叁升放溫每服

壹升日三

補胎湯 若曾傷一月胎者當預服此

細辛 壹兩

防風 貳兩

乾地黄

白朮 各叁兩

生薑 肆兩

吳茱萸

大麥 各伍合

烏梅 壹升

右八味咬咀以水柒升者取貳升半分三服先食服寒多者倍細辛茱萸熱多渴者去之加瓜蒌根貳兩若有所思去大麥加栝子人叁合一方有人參壹兩

妊娠一月名始膏無食辛燥居必靜處男子勿勞百節皆痛是為胎始結 妊娠二月足少陽脉養不可針灸其經如手膽竅立墟付陽絕骨是也足少陽內屬於膽膽主精二月之時兒精成於胞裏當慎護驚動也 妊娠二月始陰陽踞經有寒多壞不成有熱即萎悴中風寒有所動搖心滿臍下懸急腰背強痛卒有所



下午寒乍執宜服

艾葉湯

艾葉

麻黃 各貳兩

甘艸 壹兩

丹參

人參

生薑 陸兩

當歸

阿膠 各叁兩

大棗 拾貳枚

右九味以酒參升水壹斗煮減半去滓內膠煎取叁升分三服一方用烏雌雞壹隻宿肥者治如食法割頭取血內參升酒中相和次以水壹斗貳升先煮取汁去雞內藥煎取叁升內血酒并膠煎取叁升分温三服

黃連湯 若曾傷一月胎者當預服此

黃連

生薑 叁兩

人參 各壹兩

生地黃 伍兩 一方用阿膠

吳茱萸 伍合

右五味以酢漿柒升煮取叁升分四服日三夜一十日一修合若頗覺不安加烏梅壹升加烏梅者不用漿直用水耳一方用當歸半兩

妊娠三月名始胎當此之時未有定儀見物而化欲生男者操弓矢欲生女者弄珠璣欲子美好數見璧玉欲子賢良端坐清虛是謂外象而內感者也 妊娠三月手心主脉養不可針灸其經如中衝勞宮太陵內關間使郄



胎前 產後 婦科 四  
門曲澤等 宛是也 手心內屬於心無悲哀思慮驚動  
妊娠三月為定形有寒太便青有熱小便難不赤即  
黃卒驚恐憂愁嗔怒喜頓仆動於經脉腹滿繞臍苦  
痛或腰背卒有所下宜服  
雄雞湯

雄雞

壹隻治如食法

黃芩

白朮

生薑

各壹兩

麥門冬

伍合

芍藥

大棗

拾貳枚擘

甘州

人參

茯苓

阿膠

各貳兩

右為咬咀以水壹斗參升煮雞減半出雞內藥煮

取半內清酒參升并膠煎取參升分參服一日令  
盡當溫卧一方用當歸芍各貳兩不用黃芩生薑  
茯神湯 曾傷三月胎者當預服此方

茯神

丹參

龍骨

各壹兩

阿膠

當歸

甘州

人參

各貳兩

大棗

貳拾壹枚擘

赤小豆

貳拾合粒

右丸味咬咀以酢漿壹斗煮取參升分四服先食  
服七日後服一劑腰痛者加桑寄生貳兩深師有  
兩麻子壹升 丹一婦人但有孕至三箇月左右必墮  
其脉左手大而無力重取則澹知其血少也以其



妙年只補中氣使血自榮時初夏教以濃煎白朮湯下黃芩末壹錢與數十貼得保全而生因思之墮于內熱而虛者於理為多曰熱曰虛當分輕重蓋孕至三月上屬相火所以易墮不然何以黃芩熟艾阿膠為安胎妙藥也 婦人經候三月驗法川芎生耒濃煎湯空心下壹匙腹中微動者是有胎

妊娠四月始受冰精以成血脉食宜稻粳羹宜魚鴈是謂盛血氣以通耳目而行經絡如關中陽池內關三陽天并曲垣等穴是也 陽脈養不可針灸其經如關中陽池內關三陽天并曲垣等穴是也 手少

陽內輸三焦四月之時兒六腑順成當靜形體和心志節飲食

妊娠四月有寒心下愠愠欲嘔胸膈滿不欲食有熱小便難數數如淋狀臍下苦急卒風寒頸項強痛寒熱或驚動身軀腰背腹痛往來有時胎上迫胸心煩不得安卒有所下宜服

菊花湯

菊花 雞子大壹枚

麥門冬 壹升

大棗 拾貳枚

人參 壹兩半

甘州 各叁兩

當歸 各貳兩

麻黃

阿膠 各叁兩

半夏 肆兩



生薑 伍兩

右十味咬咀以水捌升煮減半內清酒叁升并阿膠煎取叁升分叁服温卧當汗以粉粉之護風寒四五日一方用烏雌雞壹隻煮汁煎藥

調中湯 若曾傷四月胎者當預服此

白芍藥

生薑 各肆兩

厚朴

生李根白皮

枳實

白朮

柴胡 各叁兩

續斷

芎藭

甘草 各壹兩

當歸 壹兩半

烏梅 壹升

右十二味咬咀以水壹斗煮取叁升分肆服日三

夜一八日後復服一劑

妊娠五月始受火精以成其氣計必屢起沐浴浣衣深其居處厚其衣服朝吸天光以避寒殃其食稻麥其羹牛羊和以茱萸調以五味是謂養氣以定五臟妊娠五月足太陰脉養不可針灸其經如隱白太都泉等穴是也足太陰內輸于脾五月之時兒四肢皆成無大饑無甚飽無食乾燥無自炙熱無大勞倦妊娠五月有熱苦頭眩心亂嘔吐有寒苦腹滿痛小便數卒有恐怖四肢疼痛寒熱胎動無常處腹痛悶頓欲仕卒有所下宜服



阿膠湯

阿膠 肆兩

人參 壹兩

生薑 陸兩

當歸

芍藥

甘艸

黃芩 各貳兩

旋復花 貳合

吳茱萸 柒合

麥門冬 壹升

右十味咬咀以水玖升煮藥減半內清酒叁升并膠微火煎取叁升半分四服日三夜一先食服便愈不瘥再服一方用烏雌雞壹隻割取咽血內酒中以水煮雞汁煎藥減半內酒并膠煎取叁升半分肆服

安中湯

曾傷五月胎者當預服此

黃芩 壹兩

當歸

芎藭

乾地黄

人參 各貳兩

甘草

芍藥 各叁兩

生薑 陸兩

麥門冬 壹升

五味子

大麻人 各伍合

大棗 叁拾伍枚

右十二味咬咀以米柒升清酒伍升煮取叁升半分四服日三夜一七日復服一劑

安胎當歸湯 若妊娠五月舉動驚愕胎不安小腹痛引腰脇小便下血

當歸

阿膠 炒

川芎



人參 各壹兩 大棗 拾貳枚 艾葉 壹把

右以酒水各叁升煮至叁升內膠令烊分三服一  
方有甘草無參棗

妊娠六月始受金精以成其筋身欲微勞無得靜處  
出遊於野歎觀走犬及視走馬食宜鷲鳥猛獸之肉  
是謂變滕理細筋以養其力以堅骨髓 妊娠六月  
足陽明肌養不可針灸其經如屬光豐隆陰市上足  
陽明內屬於胃主其口目六月之時兒口目皆成調  
五味食甘美無太飽  
妊娠六月卒有所動不安寒熱往來腹內脹滿身體

腫驚怖忽有所下腹痛如欲產手足煩疼宜服

麥門冬湯

麥門冬 壹升 人參 甘草  
黃芩 各貳兩 乾地黄 叁兩 阿膠 肆兩  
生薑 陸兩 大棗 拾伍枚

右八味以水柒升煮減半內清酒貳升并膠煎取  
叁升分叁服中間進糜粥一方用烏雌雞壹隻煮  
汁煎藥

柴胡湯 若曾傷六月胎者當預服此方

柴胡 肆兩 茯苓 壹兩 白朮



芍藥紫葳

甘州

麥門冬

芎藭各貳兩

生薑陸兩

乾地黃伍兩

大棗叁拾枚

右咬咀以水壹斗煮取叁升分四服日三夜一中

間進糜粥勿食生冷及堅硬之物七日更服三劑

一方有黃芩貳兩

旋復花湯

集驗療妊娠六七月胎不安常處亦治阻病

旋復花壹兩

厚朴製

白朮

枳殼

黃芩炒

茯苓各叁兩

半夏炒

一方無芍藥

生薑各貳兩

右以水壹斗煮取貳升半分五服先食服日三夜

一忌羊肉錫醋桃李雀肉

妊娠七月始受木精以成其骨勞身搖肢無使定止

動作屈伸以運血氣居處必燥飲食避寒常食稻粳

以密腠理是謂養骨而堅齒 妊娠七月手太陰肌

養不可針灸其經如商魚際列缺尺澤天府等穴是也手太陰內屬

於肺主皮毛七月之時兒皮毛已成無太言無號哭

無薄衣無洗浴無寒飲

妊娠七月忽驚恐搖動腹痛卒有所下手足厥冷脉

若傷寒煩執腹滿短氣常苦頸項及腰背強蔥白湯



主之

蔥白

長參肆寸  
拾肆莖

半夏

旋復花

貳合

黃芩

壹兩

甘草

當歸

阿膠

肆兩

生薑

捌兩

麥門冬

各壹升

人參

壹兩半

黃芪

各叁兩

右十一味㕮咀以水貳升煮減半內清酒叁升及膠煎取肆升每服壹升日三夜一温卧當汗出若不出者加麻黃貳兩煮服如前法若秋後勿強責汗一方以黃雌雞壹隻割咽取血內酒中煮雞取汗以煎藥

杏人湯

若曾傷七月胎者當預服此

杏人

甘草 各貳兩

紫苑 壹兩

鍾乳

乾薑 各叁兩

麥門冬

吳茱萸 壹升

粳米 伍合

五味子 叁合

右九味㕮咀以水捌升煮取叁升半分肆服日三夜一中間進食七日服三劑一方用白雞壹隻煮

汁煎藥

妊娠八月始受土精以成膚革和心靜息無使氣極是謂密腠理而光澤顏色 妊娠八月手陽明脉養不可針灸其經 如商陽二間合谷上下廉三手陽明里曲池肩井肩髃等穴是也



內屬於大腸主九竅八月之時兒九竅皆成無食燥物無輒失食無忍大起  
妊娠八月中風寒有所犯觸身體盡痛乍寒乍熱胎動不安常苦頭眩痛繞臍下寒時時小便白如米汁或青或黃或使寒慄腰背苦冷而痛目眈眈芍藥湯主之

芍藥

生薑 各肆兩

厚朴 貳兩

甘草

當歸

白朮

人參 各叁兩

薤白 切壹升

右八味㕮咀以水伍升清酒肆升合煮取叁升分

參服日再夜一方用烏雌雞者并以前藥

葵子湯 若曾傷八月胎者當預服此

葵子 貳升

甘草

厚朴 各貳兩

白朮

柴胡 各叁兩

芍藥 肆兩

生薑 陸兩

大棗 貳拾枚

右八味㕮咀以水玖升煮取叁升分三服日三凡

十日一劑方用烏雌雞壹隻煮汁煎藥

丹溪縮胎丸 八九箇月用之

黃芩 夏壹兩 秋米錢 冬半兩 炒

白朮 貳兩

陳皮 叁兩 去白

茯苓 柒錢 半



右為米粥丸桐子大

妊娠九月始受石精以成皮毛六腑百節莫不畢備  
飲醴食甘緩帶自持而待之是謂養毛髮致才力  
妊娠九月足少陰脉養不可針灸其經如湧泉然谷  
賓伏溜等足少陰內屬於腎腎主續縷九月之時兒  
穴是也脉續縷皆成無處濕冷無著炙衣  
妊娠九月若卒得下痢腹滿懸急胎上衝心腰背痛  
不可轉側短氣宜服  
半夏湯

半夏

麥門冬

吳茱萸

當歸

大棗

拾貳枚

阿膠

各參兩

乾薑

壹兩

右七味㕮咀以水玖升煮取參升去滓內白蜜捌  
合微火上温服四服痢即止一方用烏雌雞壹隻  
煮汁煎藥

豬腎湯 若曾傷九月胎者當預服此

豬腎

壹具

茯苓

桑寄生

乾薑

乾地黄

芎藭

各參兩

白朮

肆兩

附子

中者壹枚

大豆

叁合

麥門冬

壹升



右吹咀以水壹斗煮腎令熟去腎內諸藥煎取參升半分四服日三夜一十日更一劑

丹溪縮胎丸 九箇月用之

黃芩

壹兩宜執藥不宜涼藥性人減半

滑石

朱錢半臨月十日前小使多時加此一味

枳殼

炒朱錢半

白朮

壹兩

右為末粥丸如桐子大每服參拾丸空心熱湯下  
妊娠十月五臟俱備六腑齊通納天地氣於丹田故使關節人神皆備但俟時而生  
妊娠一月始胚二月始膏三月始胞四月形體成五月能動六月筋骨立七月毛髮生八月臟腑具九月

穀氣入胃十月諸神備日滿即產矣宜服滑胎藥入月即服

滑胎枳殼散 瘦胎易生湖陽公主每產累日不午  
南山道士進此方

商州枳殼

貳兩 粉草 壹兩

右為細末百沸湯點貳錢服空心日三服凡懷孕七八個月已上服之令兒易生初生胎小微黑百日已後漸漸變白此雖孫真人滑胎易產方然抑陽降氣為衆方之冠此方分兩出必用方以此為正 一方枳殼陸兩甘草壹兩

故加枳殼減甘草性蓋未產人甘草性



胎前 逐月養胎 卷之四

寒故也未產前一月 一方有糯米半升淘洗控

乾同炒為末米飲或白湯調下壹貳錢 溫隱居

加當歸木香各等分

張氏方 治妊娠胎肥壅隘動止艱辛臨月服之縮

胎易產兼治腸中諸疾下氣寬膈

枳殼 伍兩

甘艸 壹兩半

香附子 叁兩炒

為末薑煎湯點亦可如丈夫婦人冷氣攻刺脇肋

疼痛者用葱白三寸同煎服 婦人脾寒血氣成

塊作痛熱酒調服 大小便不通白牽末煎湯調

服 選奇方香附子枳殼 各貳兩 甘草 半兩

內補丸 治妊婦衝任脉虛補血安胎

熟地黄 貳兩

當歸 微炒壹兩

右為細末煉蜜和丸如梧子大溫酒下叁肆拾丸

許學士云大率婦人妊娠唯在抑陽助陰素問云

陰搏陽別謂之有子蓋關前為陽關後為陰尺中

之脉按之搏手不絕者妊身也婦人平居陽氣微

盛無害及其妊子則方閉經隧以養胎若陽氣盛

搏之則經脉妄行胎乃不固素問所謂陰虛陽搏

謂之崩也抑陽助陰之方甚多然胎前藥唯惡群

隊若陰陽交錯別生他病唯是枳殼散所以抑陽

胎前 逐月養胎 卷之四

五十一



四物湯所以助陰故爾然枳殼散差寒若單服之恐有胎寒腹痛之疾以內補丸佐之則陽不致強陰不致弱陰陽調停有益胎嗣此前人未嘗論及也

易產滑胎方 其藥性滑利小便

以車前子為末酒調服方寸匕不能飲者水調詩云采采芣苢能令婦人樂有子矣 陸機注云治婦人產難故也

神寢丸 瘦胎滑利易產臨入月服之極有神効 知蘄州施少卿方蘄州徐太丞傳

通明乳香 別研半兩

枳殼 壹兩

右為細末煉蜜丸如梧子大空心溫酒吞下參拾丸懷孕九月已後方可服 崔氏方名寤生丸乳香只貳錢半酒糊丸

榆白皮散 治妊娠滑胎易生

榆白皮

甘草 各貳兩

葵子 壹兩

右為粗末每服貳錢水壹盞煎至柒分去滓溫服一方無榆皮名葵子散

主孕九個月將產消息

緒肚壹具

如法用葱五味煮熟食食如不盡



更食以盡為度不得與別人食無効

保氣飲 安胎寬氣進食瘦胎易產設或居處失宜

偶然頓仆胎動胎痛漏胎下血兼服佛手散見胎

神寢丸枳殼散並見此三方入月內大宜常服

香附子 肆兩 山藥 貳兩 縮砂仁 壹兩

粉草 壹兩貳錢半 益智仁 紫蘇葉 各半

木香 肆錢

右為細末以白湯點服貳錢

無憂散 治妊婦身居富貴口厭肥甘憂喜不常食

物不節既飽便卧致令胞胎肥厚根蒂堅牢行合

艱難因致臨產難生入月可服無憂散則易生矣

當歸 川芎 白芍藥

枳殼 乳香 木香

甘草 血餘即髮灰以豬心

右為末每服貳錢水煎日進兩服

丹溪云世之難產者往往見於鬱悶安佚之人富貴

養之家若貧賤辛苦者未有也古方書止有瘦胎

飲一論而其方為湖陽公主作也實非極至之言何

者見其有用此方者其難自若予表妹苦于難產後

遇胎孕則觸而去之予甚憫焉視其形惟勤於針指



構思旬日忽自悟曰此正與湖陽公主相反彼奉養  
之人其氣必實耗其氣使平和故易產今形肥知其  
氣虛又坐知其不運必氣愈弱兒在胞胎因母氣不  
能自運耳當補其母之氣則兒健易產矣令其有孕  
至五六個月來告遂于大全方紫蘇飲加補氣藥與  
數十貼因得男而其快後遂以此方隨母形色性稟  
參時令加減與之無不應者因名其方曰達生散  
縮胎飲即達生散

大腹皮 叁錢

人參

陳皮

紫蘇莖葉 各伍分 白芍

白朮

歸身尾 各壹錢

甘草 貳錢

黃楊樹腦 半個

或加枳殼

縮砂

青蔥 伍葉

右作一貼吞下益母丸臨月得貳拾服易生產後  
無病 按丹溪云難產死胎此血氣滯病也蓋此  
方補中行滯 春加川芎 氣虛倍參朮 氣實  
倍香附陳皮 血虛加當歸地黃 形實倍紫蘇  
性急加黃連 熱急加黃芩 濕痰加滑石半  
夏 食積加山查 食後易饑加黃楊腦 腹痛  
加木香官桂黃芩 冬不用芩  
黑神丸 一名催生丸 一名益母丸 用益母草研末粥丸治婦人

婦人逐月養胎

六十一



月前  
臨月一、二、三次服之，用縮砂飲送下，能催生易產。  
產後服，能生新血，去舊血，只以白湯送下。虛者煎  
白朮、人參、陳皮湯送下。

惡阻 痰逆不食

惡阻謂嘔吐惡心頭眩惡食擇食是也。千金凡婦人虛羸血氣不足，腎氣又弱，或當風飲冷，太過心下有痰水者，欲有胎而喜病阻，所謂欲有胎者，其人月水尚來，顏色肌膚如常，但苦沉重憤悶不欲食飲，又不知其患所在，厥理順時平和，則是欲有娠也。如此經二月日後，便覺不通，則結胎也。阻病者，患心中憤憤，頭重眼眩，四肢沉重，懈惰不欲執作，惡聞食氣，欲噉鹹酸果實，多卧少起，世謂惡食，其至三四月日已上，皆大劇吐逆，不能自勝舉也。此由經血既閉，水漬



於藏氣不宣通故心煩憤悶氣逆而嘔吐也血脉不通經絡不澁則四肢沉重挾風則頭目眩也覺如此候者便宜服半夏茯苓湯數劑後將茯苓丸痰水消除便欲食也既得食力體強氣壯力足養胎母便健矣 大全妊娠稟受怯弱便有阻病其狀顏色如故脉息和順但覺肢體沉重頭目昏眩擇食惡聞食氣好食鹹酸甚者或作寒熱心中憤悶嘔吐痰水恍惚不能支持巢氏謂之惡阻但證有輕重耳輕者不服藥亦不妨重者須以藥療之千金方以半夏茯苓湯茯苓丸專治阻病然此一藥比來少有服者以半

夏有動胎之性蓋胎初結慮其易散此不可不謹也張仲景傷寒論有用黃龍湯者小柴胡湯中去半夏是也此蓋為妊娠而設焉王子亨則有白朮散局方則人參丁香散楊振則有人參橘皮湯齊士明則有醒脾飲皆不用半夏用之多効 李茂翁云若左脉弱而嘔服諸藥不止者當服理血歸原藥則愈經云無陰則嘔是也 薛前證若中脘停痰用二陳湯加枳殼若飲食停滯用六君子加枳殼若脾胃虛弱用異功散若胃氣不足用人參橘皮湯兼氣惱加枳殼胸脇痞悶再加蘇梗脇痛再加柴胡若飲食少思用



六君子加紫蘇枳殼頭暈體倦用六君子湯若脾胃  
虛弱嘔吐不食用半夏茯苓湯蓋半夏乃健脾胃化  
痰滯之主藥也脾胃虛弱而嘔吐或痰涎壅滯飲食  
少思胎不安必用茯苓半夏湯倍加白朮然半夏白  
朮茯苓陳皮砂仁善能安胎氣健脾胃予嘗用之驗  
矣 痰逆不食證因食停滯用半夏茯苓湯加枳殼  
兼氣惱更加柴胡因痰壅滯用半夏茯苓湯加白朮  
因風寒外傷用參蘇飲飲食腹脹用香砂六君子湯  
寒熱嘔吐人參養胃湯 一妊娠嘔吐惡食體倦嗜  
卧此胃氣虛而惡阻也用人參橘皮湯一劑漸愈又

用六君加紫蘇一劑而安 一妊娠吞酸惡心時欲  
作嘔此因脾胃虛而飲食停滯用六君加枳殼香附  
治之而愈 一妊婦停食腹滿嘔吐吞酸作瀉不食  
余以為飲食停滯兼肝木傷脾土用六君子湯以健  
脾胃加蒼朮厚朴以消飲食吳茱萸所製黃連以清  
肝火諸證悉愈又以六君加砂仁調理而脾土乃安  
一妊婦嘔吐脇脹或寒熱往來面色青黃此木旺  
而尅脾土用六君子加柴胡桔梗枳殼而安 一妊  
婦嘔吐酸水胸滿不食此脾土虛而肝木所侮用六  
君子加芍藥而愈 一妊婦胸腹膨脹吐痰不食此



脾胃虛而飲食為痰用半夏茯苓湯漸愈又用六君子加枳殼蘇梗桔梗而飲食如常後因恚怒腸脹不食吐痰惡心用半夏茯苓湯加柴胡山梔而愈汪石山治一婦形質瘦小面色近紫產後年餘經水不通首夏忽病嘔吐手指麻痺拳不能伸展聲音啞小歲不出聲醫皆視為風病危之汪診脈皆細微近滑曰此妊娠惡阻病也眾謂經水不通安有妊娠汪曰天下之事有常有變此乃事之變也脈雖細微似近于滑又尺按不絕乃妊娠也遂以四君子加二陳治之諸證俱減尚畏粥湯惟食乾糕香燥之物而有生

意 給事游讓溪夫人病新愈月餘經事不行嘔噦眩暈飲食艱進醫以為二陽之病發心脾女子不月法在不治江瓘診之尺脈雖小按之滑而不絕此妊而惡阻非凶候也六君加砂仁數服而安後產一女金匱婦人得平脈陰脈小弱其人渴不能食無寒熱名妊娠桂枝湯主之於法六七日當有此證設有醫治逆者却一月加吐下者則絕之 婁全善曰絕之者謂絕止醫治候其自安也予嘗治一婦阻病吐愈治愈逆因思仲景絕之之旨遂停藥月餘自安真大哉聖賢之言也



萬全方云凡妊娠惡食者以所思食任意食之必愈  
仲景云妊娠嘔吐不止乾薑人參半夏丸主之  
乾薑人參半夏丸

乾薑

人參各壹兩

半夏湯洗去

右三味末之以生薑汁糊為丸如梧子大飲服拾  
九日三服

半夏茯苓湯

治妊娠惡阻嘔吐心煩頭目眩暈惡

聞食氣好食酸鹹多臥少起百節煩疼羸瘦有痰  
胎孕不牢

半夏洗壹兩 貳錢半

赤茯苓

熟地黃各半兩

橘紅

旋復花

千金方無旋復花有細辛紫蘇

人參

芍藥

川芎

桔梗

甘草

各半兩

右咬咀每服伍錢薑柒片水煎空心服兼服茯苓  
丸若有容執煩渴口瘡去橘紅細辛加前胡知  
母柒錢半若腹冷下痢去地黃加炒桂心半兩  
若胃中虛熱大便秘小便赤澀加大黃柒錢半  
去地黃加黃芩貳錢伍分

茯苓丸

治妊娠阻病心中煩悶吐痰眩暈先服半

夏茯苓湯兩劑後服此藥



赤茯苓

人參

桂心

乾薑

半夏

湯泡七次炒黃

橘皮

各壹兩

白朮

葛根

甘草

枳殼

各貳兩

右為細末煉蜜丸如桐子大每服伍拾丸米飲下日三服一方加麥門冬肘後加五味子

療妊娠心胸支滿痰逆不思飲食

赤茯苓

前胡

白朮

紫蘇葉

各壹兩

半夏

麥門冬

人參

大腹皮

各半兩

右為粗末每服四錢水壹盞薑五片煎至柒分去滓溫服一方無腹皮人參有大腹子檳榔  
療妊娠心膈氣滯嘔吐不下飲水心神虛煩四肢少力

枇杷葉

半夏

麥門冬

人參

甘草

訶子肉

藿香

各壹兩

赤茯苓

枳殼

陳皮

各柒錢半

右咬咀每服參錢水壹盞薑參片棗壹枚煎至柒分去滓溫服一方無訶子及棗



胎前 集驗療婦人妊娠惡阻嘔吐不下食

青竹茹

橘皮

生薑

茯苓各肆兩

半夏伍兩

右細切以水陸升煮取貳升半去滓分三服不差

頻服忌羊肉餒鮮等物

旋復半夏湯 治妊娠惡阻吐逆酸水惡聞食氣多

臥少起

旋復花去枝

川芎

細辛去土

人參

甘草各

當歸去蘆

半夏湯泡

赤茯苓去皮

乾生薑

陳皮去白各壹錢伍分

右作一服水貳鍾薑五片煎至壹鍾不拘時服

旋復花湯 治妊娠六七月胎不安嘔吐

旋復花伍分

厚朴

白朮

枳殼

黃芩

茯苓各壹錢伍分

半夏

芍藥

生薑各壹錢

右作一服水貳鍾煎至壹鍾食前服

右諸方並用半夏蓋取其辛以散結氣瀉逆氣故

嘔惡自止非專為痰設也婁全善曰大千方論半

夏動胎而不用仲景方乃用之予治妊娠阻病累



丁香  
乾  
例

用半夏末嘗動胎也經云有故無殞是也

白木散 治惡阻吐清水甚者害十餘日水漿不入

白木 壹兩 人參 半兩 丁香 貳錢

甘草 壹錢

右為細末每服貳錢水壹盞薑伍片煎至柒分溫服

人參丁香散 治妊娠惡阻胃寒嘔逆翻胃吐食及

心腹刺痛

人參 丁香 藿香葉 各貳錢半

右為散每服叁錢水壹盞煎柒分去滓溫服無時

又方

人參 丁香 柿蒂 各貳兩

甘州 良薑 各半兩

右為細末每服貳錢熱湯點下無時

醒脾飲子 治妊婦阻病嘔逆不食甚者中滿口中

無味或作寒執此出王氏博濟方

草豆蔻 以濕紙裹夾火中煨令紙乾取出去皮用 厚朴 薑製各壹兩

乾薑 壹兩 甘州 壹兩貳錢半

右為細末每服貳大錢水壹大盞棗貳枚生薑叁片煎至捌分去滓呷服病輕者只一兩服便能食

合前惡阻

女科四

六十八



舊有橘紅貳兩治寒熱瘧痢不食後人去橘皮以  
乾生薑代乾薑治老人氣虛大便秘少津液引飲  
有奇効產科醫官齊士明依舊用乾薑去橘皮亦  
名醒脾飲子治阻病極神驗  
右諸方與前茯苓丸並用了香乾薑惟中寒脈遲  
者宜之

人參橘皮湯 治阻病嘔吐痰水

人參

橘皮

白朮

麥門冬

去心各壹兩

甘草

各壹錢

厚朴

製

白茯苓

各伍錢

為粗末每肆錢加淡竹茹彈子大薑參片水同煎  
治妊娠嘔吐不食兼吐痰水

生薑根

柒分

橘紅

肆分

生薑

陸分

檳榔

貳分

枇杷葉

叁分

右切水貳盞煎柒分空心熱服

治妊娠惡食心中煩憤熱悶嘔吐

青竹茹

麥門冬

各叁兩

前胡

貳兩

橘皮

壹兩

蘆根

壹握

如體熱四肢煩熱者加地骨皮壹握

右切細以水壹大升煮半升去渣分兩服食前  
右諸方內用門冬竹茹蘆根皆氣涼而性和有熱



無寒者通用之平劑也

醫治妊娠惡食古今錄驗方

人參肆兩

厚朴

生薑

枳殼

甘艸各貳兩

水陸升煮取參升分三服

理血歸原散 治妊娠惡阻嘔吐不止頭痛全不入食服諸藥無効者用此藥理血歸原則愈

人參

甘艸

川芎

當歸

芍藥

丁香各半兩

白茯苓

白朮

陳皮各壹兩伍錢

桔梗炒

枳殼去瓢炒各貳錢半

半夏湯洗柒次切炒黃壹兩

右吹咀每服參錢生薑伍片棗壹枚水同煎

安胎飲 治懷胎三月四月至九个月日嘔吐痰水

心中憤悶頭重目眩惡聞食氣或胎動不安腰腹

疼痛或時下血及妊娠一切疾病並皆治之

甘草

茯苓

當歸

熟地黃

川芎

白朮

黃芪

白芍藥

半夏湯泡柒次切炒

阿膠切粉炒

地榆各等分

右吹咀每服參錢生薑肆片水煎溫服無時候



一方無半夏地榆有人參桑寄生 一方無芪朮

半夏地榆有艾葉只是膠艾湯加白茯苓

小地黃丸 治妊娠惡心嘔吐清水腹疼不食

人參去蘆 乾薑炮各等分

右為細末以生地黃汁和為丸如桐子大每服五拾丸食前米飲送下

右方並理血之劑李茂翁所謂左脉弱而嘔服諸藥不止者服理血歸原藥則愈即此類是也

氣

保生湯 治婦人經候不行身無病而似病脉滑大而六脉俱勻乃是孕婦之脉也精神如故惡聞食

臭或但嗜一物或大吐或時吐清水此名惡阻切勿作寒病治之宜服此藥如覺惡心嘔吐加丁香生薑煎服溫隱居方

人參 甘州各貳錢半 白朮

香附子 烏藥 橘紅各半兩

右以咀每服參大錢水壹盞半薑伍片煎至柒分去滓溫服無時或作末子調服

白朮散 治妊娠胎氣不和飲食少進

白朮炒 紫蘇各壹錢 人參貳錢

青皮去白 訶子肉 川芎各捌分



甘艸 炙半錢

右作一服水貳鍾薑叁片煎至壹鍾不拘時服

二香散 治妊娠胎動不安氣不升降飲食不美嘔吐酸水起坐覺重

香附子 壹兩

藿香葉

甘艸 各叁錢

右為細末每服貳錢不拘時沸湯調下

補遺予嘗治妊婦惡阻嘔吐不食頭暈不敢行步以

苦柚皮濃煎湯飲數盞而愈吐甚者加薑汁

又方 縮砂仁末每貳錢薑湯調下或米飲調

右方並理氣之劑氣虛者首三方為宜氣不順者

有肝火

者第三方為宜

一婦人孕三月吐痰水并飲食每自寅卯時作

時覺少腹有氣衝上然後膈滿而吐面赤微躁頭

眩卧不起牀四肢疼微渴此肝火挾衝脉之火衝

上也一日甚一日輕脉和右寸洪大百藥不効將

二月子男病偶用沉香磨水化抱龍丸一服膈寬

氣不上衝二三服吐止眩減食進而安 又應氏

婦嘈雜吐食脉壅心下滿寒氣攻背兩肘皆痛要

人不任手以熱物摩熨得吐稍踈脉洪大處此方

黃連 壹錢

黃芩 各貳錢半

白朮



半夏 各貳錢

甘草 炙

縮砂 各伍分

陳皮

當歸

山梔

枳殼 炒

香附

人參

蒼朮 各壹錢

茯苓 壹錢半

生薑 柴片

服二貼後嘈雜吐止心滿塞退但於夜間背肘痛用摩熨遂與抱龍丸化服其疾如失

丹一婦人年近三十懷孕兩月病嘔吐頭眩自覺不可禁持以人參白朮川芎陳皮茯苓等藥服五七日愈覺沉重召予脉之兩手弦左為甚而且弱予曰此是惡阻病必怒氣所激問之果然肝氣既逆又挾胎

氣參朮之補大非所宜教以時用茯苓湯下抑青丸二十四粒五貼自覺稍安診其脉略有數狀自言口乾苦稍食粥則口酸予意其為膈間滯氣未盡行教全以川芎陳皮山梔茯苓生薑煎湯下抑青丸十五粒十餘貼餘證皆平但食及常時之半食後覺口酸不食覺身飢予謂肝熱未平則以白湯下抑青丸二十粒二十日而安予又脉之見其兩手脉雖和平而左手弱甚此胎必墮此時肝氣既平參朮可用矣遂用始初參朮等藥補之預防墮胎以後之虛服之一月胎自墮却得平穩無事抑青丸一味黃連為丸是



也

胎動不安者由衝任經虛受胎不實也亦有飲酒房室過度損動不安者有誤擊觸而胎動者有喜怒氣宇不舒傷於心肝觸動血脉者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其母自愈當以母形色察之若面赤舌青兒死母活面青舌赤口中沫出母死子活若唇口青兩邊沫出者子母俱死

胎動不安

胎動不安者由衝任經虛受胎不實也亦有飲酒房室過度損動不安者有誤擊觸而胎動者有喜怒氣宇不舒傷於心肝觸動血脉者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其母自愈當以母形色察之若面赤舌青兒死母活面青舌赤口中沫出母死子活若唇口青兩邊沫出者子母俱死

胎動不安

婦科四

三四



常服

怒傷肝脾者四七湯加芎歸怒動肝火者加味小柴胡湯若胎已死急用平胃散加料硝腐化之

永固孕湯

地黃

川芎

黃芩各五分

歸身尾

人參

白芍藥

陳皮各壹錢

白朮壹錢半

甘草叁錢

黃蘗少許

桑上辛食藤圓者米葉糯米拾肆粒

右吹咀水煎服

金匱婦人妊娠宜常服當歸散主之

當歸散方

當歸

黃芩

芍藥

芎藭各肆兩

白朮半斤

右五味杵為散酒飲服方寸匕日再服妊娠常服

即易產胎無苦疾產後百病悉主之

妊娠養胎白朮散主之

白朮散方

白朮

芎藭各壹兩

蜀椒米錢半去汗

牡蠣半兩

右四味杵為散酒服壹錢七日三服夜一服但苦痛加芍藥心下毒痛倍加芎藭心煩痛吐不能飲

胎前胎動不安

女科四

三五



或動  
或痛  
之者安

食加細辛壹兩半夏大者貳拾枚服之後更以醋漿水服之若嘔以醋漿水服之復不解者小麥汁飲之已後渴者大麥粥服之病雖愈服之勿置集驗方療妊娠二三月上至八九月胎動不安腹痛已有所見方

艾葉

阿膠

當歸

川芎各叁兩

甘艸壹兩

右細切以水捌升煮取叁升去滓內膠令烊分三服日三千金文仲備急同

四物湯加熟艾阿膠茯苓治一切胎動不安

安胎當歸湯 治妊娠五月舉動驚愕胎動不安下

在小腹痛引腰脇小便疼下血見前逐月養胎

阿膠散 治妊娠或因頓作胎動不安腰痛腹滿或

有所下或胎上搶心

熟地黃貳兩

白芍藥

艾葉

當歸

甘草

阿膠

黃芪各壹兩

一方有川芎

右咬咀每服半兩薑叁片棗壹枚水同煎

又方 治妊娠胎動不安心神虛煩腹內痛

阿膠并碎炒

人參

川芎已上各壹兩

胎動不安

七十六



白茯苓

甘草炙

麥門冬去心

當歸剉炒

柴胡去苗已上

黃芩各半兩

右件為末每服肆錢以水壹中盞生薑半分棗叁枚同煎陸分去滓執服

立効散 治婦人胎動不安如重物所壓冷如冰

川芎

當歸各等分

右為麤末秤叁錢水煎食前溫服

產寶治妊娠無故胎動不安腹內絞痛煩悶

當歸

桑寄生各壹兩 川芎半錢

鼓搗合

阿膠伍錢

蔥拾肆莖

右以水貳升煮取捌合下膠烱溫分貳服空心服

一方無鼓用銀器煎集驗無寄生鼓有續斷柴錢

半銀多少先煎後入藥

養生必用治胎動方 救急療胎動去血腰痛

阿膠

川芎

當歸

青竹茹各貳錢

右以水拾盞內銀壹斤煮至伍錢去銀入上件藥  
三味煮至貳錢半去滓入膠再煎烱分溫三服  
空心自早至暮盡未効再作

寄生氣 治胎氣常不安及五箇月已後胎不安



桑寄生

洗剉

秦艽

阿膠

各半兩

糯米粉

半兩

右以新汲水參升先下寄生秦艽貳味煮至貳升去滓次入阿膠糯米再煮約壹升止分三服空心食前日午服之忌酒醋三五日妊婦胎氣至五月已後常不安者服之必效頃見妊婦好飲酒食鹹酸五辛胎必動不可不知

黃耆湯

治胎動不安腹痛下黃汁

糯米

帶合

黃耆

川芎

各壹兩

右細剉水貳大盞煎至壹盞參分溫服

順氣飲子

產前服之安胎

紫蘇葉

木香

人參

草豆蔻

茯苓

甘草

大腹子

壹兩如氣弱者不用

右咬咀每服參錢水壹盞葶根參子糯米少許煎

至梨分去滓溫服

安胎寄生湯

文仲

療血流下方

桑寄生

白朮

各壹兩貳錢半

茯苓

壹兩

甘草

貳兩半

右切以水伍升煮取貳升半分三服若人壯者可

治前胎不安



加芍藥貳兩足水貳升若胎不安腹痛端然有所  
見加乾薑壹兩即安忌海藻菘菜酢物桃李雀肉  
等

秦光湯指迷治胎動不安

秦光

阿膠炒

艾葉

右等分為麤末每服伍錢水貳盞糯米百粒煎至  
壹盞去滓溫服

小品止痛湯 療妊娠重下痛引腰背安胎

當歸

阿膠炙

乾地黄

黃連

芍藥各壹兩

雞子壹枚

秫米壹升

右柒味以水柒升攪雞子令相得煮秫米令如蟹  
目沸去滓內諸藥者取叁升分四服忌蕪荑經心  
錄同

黃芩湯 治婦人胎孕不安

黃芩

白朮各半兩

當歸貳錢

右作二服水貳鍾煎至壹鍾不拘時服

釣藤湯 治妊娠八九月胎動不安心腹疔痛面目

青冷汗出氣欲絕此由勞動用力傷胎官宜急治

之

胎前胎動不安



月... 女... 七...

釣藤鈎

當歸

茯神

人參 各壹兩

苦梗 壹兩半

桑寄生 半兩

右為粗末每服伍大錢水貳盞煎至壹盞去滓溫

服無時候忌猪肉菘菜若煩熱加石膏貳兩半臨

產月加桂心壹兩

刪繁療婦人懷妊胎動不安葱豉安胎方

香豉 壹升熬

葱白 壹升

阿膠 貳兩炙

先以水參升者葱豉取壹升去滓入膠再煎令烱

服一日一夜可服三四劑經心錄同

始妊娠胎動不安護胎法

鯉魚 貳斤

粳米 壹升

葱 壹握

豉

薑

右作膳食之每月一度

安胎織單散

白藥子 壹兩

白芷 半兩

右為細末每服貳錢煎紫蘇湯調下或胎熱心煩

悶入砂糖少許煎

銀芎酒 治妊娠胎動欲墮腹痛不可忍方

芎根 貳兩剉

銀 伍兩

清酒 壹瓊

右以水貳大瓊煎至壹大瓊去滓分溫二服

胎前 胎動不安



治胎動不安

用好銀煮取水著葱油作羹食之佳

又方 川芎貳兩 葱白壹升 右以水柒升煮取貳升

半分溫三服

療妊娠後不轉動方

阿膠炙壹兩 桑寄生半兩

右為末以酒壹升煮五沸下生雞卵壹枚酒中分

溫貳服空心食前小品方無寄生有艾葉只用水煎

肘後治胎動不安取苧根如足大指者壹尺咬咀以

水伍升煮取叁升去滓服一方有生薑伍片丹溪云苧根大能補陰而行

滯血

縮砂散 治胎動不安墮在須臾者神效方見毒物傷胎

又方 川芎兩 蔥白兩 水叁碗煮貳碗半分三服

治妊娠因失所動困絕方取竹瀝飲壹升立愈

鯉魚臙方 治妊娠胎動不安心腹刺痛

鯉魚壹斤修事 阿膠壹兩杵碎 糯米貳合

右伴以水貳升入魚膠米煮令熟入葱白生薑橘

皮鹽少許更煮伍柒沸食前喫如有所傷且喫五

七日効

治妊娠胎動煩悶不安甚方



胎前 女科 四

取生地黃杵絞汁每服壹小盞煎令沸入雞子白壹枚攪令勻頓服

治妊娠胎動晝夜叫呼口噤唇拳及下重痢不息方

艾葉伍兩右以好酒伍升同煮取肆升去滓更煎取壹升服口閉者開口灌之藥下即瘥

煎取壹升服口閉者開口灌之藥下即瘥

胎上逼心 即子懸

薛胎上逼心之證若氣逆胎上用紫蘇飲飲食不甘兼以四君子若肉熱晡熱兼以逍遙散若胃火所致用四君黃芩枳殼柴梔若脾鬱所致用歸脾湯加柴梔枳殼一妊婦每因恚怒其胎上逼左關脉弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥一妊婦胎上逼胸滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥程文彬治孕婦七個月胸膈飽悶氣喘忽吐

胎前 胎上逼心

女科 四

八七



出一物如小腸寸許舉家驚疑其胎爛程至診得寸口脉洪滑知其氣盛血少胎氣湊上中焦畜有濕熱濕生痰知所吐之物乃痰結聚病名子懸以紫蘇飲加芩連貝母十劑獲痊

本事方紫蘇飲 治妊娠胎氣不和懷胎近上脹滿

疼痛謂之子懸兼治臨產驚恐氣結連白不下

無等名七寶散

紫蘇莖葉 壹兩

大腹皮

人參

川芎

陳皮

白芍藥 各半

當歸 米錢半

甘草 貳錢半

右細剉分作三服每服用水壹盞半生薑肆片蔥白柒寸煎至柒分去香空心服

曾有一婦累日產不下服遍催生藥不驗予曰此必坐草太早心懷一點懼氣結而不行然非不順也素問云恐則氣下蓋恐則精神怯怯則上焦閉閉則氣還還則下焦脹氣乃不行矣得此藥一服便產及婦人六七月子懸者予用此數數有驗不十服胎便近下 陳良甫治一婦有孕七個月遠歸忽然胎上衝心而痛坐卧不安兩醫治之無效遂說胎已死矣用草麻子研爛加麝香調貼臍中



以下之命在垂亡召陳診視兩尺脉絕他脉平和  
陳問二醫作何證治之荅曰死胎也陳曰何以知  
之曰兩尺脉沉絕以此知之陳曰此說出何經二  
醫無荅陳曰此子懸也若是胎死却有辨處面赤  
舌青子死母活面青舌赤吐沫母死子活唇口俱  
青母子俱死今面不赤口不青其子未死是胎上  
逼心宜以紫蘇飲子治之至十服而胎近下矣  
當歸湯 治妊娠胎動盪心悶絕煩躁口乾橫生倒  
產上衝下築迷悶唇口青黑手足厥冷產科名保  
安散一方無甘草有川芎厚朴產寶方有川芎

當歸

阿膠炒

甘草各壹兩

人參各壹兩半

連根蔥白壹握

右細剉水貳升煎四味至升半去滓下蔥再煎減  
參合温服一劑分為二三服

大聖散 治妊娠忪悸睡夢多驚心腹脹滿連膈急

痛胎上逼見驚悸

治胎上逼心煩悶方又治妊娠六七月以後胎動困

篤用蔥白二七莖濃煮汁飲之若胎未死即安已死

即出未効再服莫全善云此方神妙脉浮滑者宜之本草云蔥白通陽氣安胎

秘錄治胎動上逼心痛取艾葉如雞子大以頭醋四

治胎上逼心

女科四



升煎取二升分溫服。又治胎上逼心熱痛下血神  
麩半斤搗碎和熟水絞取汁三鍾無時溫服止。  
治妊娠遍身痛或衝心欲死不能飲食。

白朮

伍兩

黃芩

貳兩

芍藥

肆兩

右水陸升煮取貳升半分作三服緣胎有冰致痛  
兼易產。

文仲葛氏療妊娠卒胎上迫心痛方。取弩弦急帶  
之立愈。

膠艾湯

見血崩

保生丸

大法

### 妊娠經來 漏胎下血

脉經婦人經月下但為微少師脉之反言有軀其後  
審然其脉何類何以別之師曰寸口脉陰陽俱平榮  
衛調和按之滑浮之則輕陽明少陰各如經法身反  
灑淅不欲食飲頭痛心亂嘔噦欲吐呼則微數吸則  
不驚陽多氣溢陰滑氣盛滑則多實六經養成所以  
月見陰見陽精汁凝胞散散者損墮設復陽盛雙妊  
二胎今陽不足故令激經也。  
滑脉主血有餘也  
經又少故知孕也  
太  
抵妊娠經來不多而飲食精神如故六脉和緩滑大  
無病者血盛有餘也兒大能飲自不來矣。

胎前經來漏胎



胎前 女科四  
大全夫妊娠漏胎者謂妊娠數月而經水時下也此  
由衝任脉虛不能約制手太陽少陰之經血故也衝  
任之脉爲經絡之海起於胞内手太陽小腸脉也手  
少陰心脉也是一經爲表裏上爲乳汁下爲月水有  
娠之人經水所以斷者壅之養胎蓄之以爲乳汁也  
衝任氣虛則胞内泄不能制其經血故月水時下亦  
名胞漏血盡則人斃矣又有因勞役喜怒哀樂不節  
飲食生冷觸冒風寒遂致胎動若母有宿疾子藏爲  
風冷所乘氣血失度使胎不安故令下血也 曾有  
以妊婦月信不絕而胎不損問產科熊宗古答曰婦

人血盛氣衰其人必肥既娠之後月信當來而胎不  
動若據晚進觀之便以爲漏胎若作漏胎治之則胎  
必墮若不作漏胎治則其胎未必墮今推宗古之言  
誠有旨也巢氏云婦人經閉不利別無所苦者是謂  
有子以其經血畜之以養胎擁之爲乳汁也有子之  
後畜以養胎矣豈可復能散動耶所以然者有妊而  
月信每至是亦未必因血盛也若謂婦人榮經有風  
則經血喜動以其風勝則可也既榮經爲風所勝則  
所來者非養胎之血以此辨之若作漏胎治之必服  
保養補胎之藥且胎不損強以藥滋之乃所謂實實

胎前 經脈 經水 胎前

卷六



虛虛也其胎終墮宜矣若醫者知榮經有風之理專  
以一藥治風經信可止或不服藥胎亦無恙然而有  
胎本不固而因房室不節先漏而後墮者須作漏胎  
治之此又不可不審也 丹胎漏因氣虛因血虛因  
血熱 薛前證若因風熱用防風黃芩丸若因血熱  
用加味逍遙散若因血虛用二黃散若因血去太多  
用八珍湯未應補中益氣湯若因肝火用柴胡山梔  
散若因脾火用加味歸脾湯若因事下血作痛用八  
珍湯加阿膠熟艾若因脾胃虛弱用補中益氣湯加  
五味子若因脾胃虛陷用前湯倍用升麻柴胡若嘔

熱內熱宜逍遙散 妊娠卒然下血若因怒氣用小  
柴胡湯若因風熱用一味防風丸若因血熱用一味  
子芩丸若因脾氣虛弱用六君子湯若因中氣下陷  
用補中益氣若氣血盛而下血者乃因兒小飲少也  
不必服藥 一妊婦下血服涼血之藥下血益甚食  
少體倦此脾氣虛而不能攝血余用補中益氣湯而  
愈後因怒而寒熱其血仍下此肝火旺而血沸騰用  
加味逍遙散血止用補中益氣湯而安 一妊婦下  
血發熱作渴食少體倦屬脾氣虛而肝火所侮用四  
君子加柴胡山梔血止因怒復作用六君加柴胡山



梔升麻而安 一妊娠六月每怒下血甚至寒熱頭痛脇脹腹疼作嘔少食余謂寒熱頭痛乃肝火上衝脇脹腹痛乃肝氣不行作嘔少食乃肝侮脾胃小便下血乃肝火血熱用小柴胡加芍藥炒黑山梔茯苓白朮而愈 一妊娠六月體倦食少勞役下血用六君加當歸熟地黃柴胡升麻而愈 江應宿治王祠部安人孕三月腰腹遞痛漏下不止氣湧脹悶速江診視六脉弦數平昔脉極沉細此必怒動肝火挾相火而生內熱喜脉不滑未至離經猶可保也以條芩白朮枳殼香附茯苓阿膠白芍當歸陳皮煎調鹿角

補虛

煨酒淬細末一錢更進抑青丸一服痛已數劑平復仲景云婦人有漏下者有半產後因續下血都不絕者有妊娠下血者假令妊娠腹中痛為胞阻芎歸膠艾湯主之方見前 血崩

- 續斷 貳兩 艾葉 當歸
- 乾地黄 各陸兩 竹茹 阿膠
- 雞蘇 各壹兩

水壹升煎取陸合空心再服 廣濟安胎胎病漏血腹痛



用前  
女科四

當歸

人參 各壹兩

川芎

大棗 貳拾箇

阿膠 炙

右切以水參升酒肆升煮貳升半分三服五日

劑頻服三四劑無妨

濟生如聖湯

治胎動腹痛或為漏胎

鯉魚皮

當歸 酒浸

熟地黃 酒蒸

白芍藥

阿膠 蚌粉炒

川芎

續斷 酒浸

甘草 炙各等分

一方有乾薑竹茹

右吹咀每服肆錢水壹盞葶根少許薑伍片煎溫服濟生有續斷無乾薑竹茹

桑寄生散

治胎漏經血妄行淋瀝不巳

桑寄生

當歸 去蘆酒浸

川芎

川續斷 酒浸

阿膠 蛤粉炒

香附子 炒去毛

茯神 去木

白朮 各壹錢

人參

甘州 炙各半錢

右作一服水貳鍾生薑伍片煎至壹鍾不拘時服

鄭氏人參散

治漏胎敗血湊心日漸胎乾子母危困

人參

黃芪 炙

阿膠 炒各伍錢

竹茹

木香

炙甘草

治前姓經來胎漏



附子 炮各半錢  
川芎  
陳皮

芎根 各錢半

生薑 參錢炮黑

右吹咀每肆錢糯米三七粒水煎熱服忌生冷雞鴨魚麵

梅師治胎動下血心腹疼死生不知服此湯活即安  
死即下即催生佛手散方見胎產大法即川芎當歸等分為散也  
妊娠無故卒下血不止取阿膠參兩炙搗末酒壹升半煎令消一服愈

羅氏立聖散 治妊娠下血不止  
鷄肝叁個用酒壹升煮熟共食之大効

下血

二黃散 治胎漏

生地黃 熟地黃等分水參壹兩煎半乾去滓服

治胎漏下血 阿膠貳兩搗末生地黃半斤搗取汁以清

酒參升絞汁分叁服

治胎漏下血不止胎乾即死宜急治之

生地黃汁 壹升 陳酒 伍合

右同煎參伍沸溫參服以止為度

地黃湯 治經血妄行及鼻衄不止

生地黃酒搗取汁 薄荷叁錢 甘草壹錢

右二味為末新汲水合地黃汁調食後服

治前在張下血 胎漏



續易簡治漏血

用野苧根貳兩炒金銀各壹兩為一劑酒水平煎耗半温服若閃顛胎動欲漏砂仁皮炒令熟透為末貳錢酒或鹽湯下

清熱

保命枳殼湯

治婦人胎漏下血及因事下血

枳殼

黃芩各半兩

白朮壹兩

右為釐末每服柒錢水壹盞煎柒分食前服

子芩丸

治肝經有熱妄行下血細條黃芩炒為末每服壹錢以秤錘燒赤燂酒熱調服若脾胃虛不

宜用

疎

防風丸

治肝經有風以致血得風而流散不歸經

用防風為末每服壹錢白湯調服

防風黃芩丸

治肝經有風熱致血崩便血尿血用

條芩炒焦防風等分為末酒糊丸桐子大每服參

伍拾丸食遠或食前米飲或温酒送下

破血

仲景云婦人宿有癥病經斷未及三月而得漏下不

止胎動在臍上者為癥痼害 妊娠六月動者前三

月經水利時胎下血者後斷三月不血也所以血不

止者其癥不去故也當下其癥桂枝茯苓丸主之

桂枝茯苓丸方

治前 妊娠經來過盛

九七



桂枝

茯苓

牡丹

桃仁

去皮

芍藥

各等分

去心

右五味末之煉蜜和丸如兔屎大每日食前服壹丸不知加至叁丸

治胎下血不止取桃樹上乾不落桃子燒灰和冰服

瘥本草云桃奴破血又治伏梁積氣

榆白皮散 治妊孕胎漏去血恐其難產常宜服之

榆白皮

葵根

瞿麥

大麻仁

木通

牛膝

右作一服水貳鍾煎至壹鍾不拘時服

胎漏黃汁下或如豆汁

薛前證肝脾濕熱用升陽除濕湯崩血肝脾風熱用加味道遙散肝脾鬱怒用加味歸脾湯脾胃氣虛用錢氏白朮散若脾氣下陷用補中益氣湯肝經風熱用防風黃芩丸風入腸胃用胃風湯一妊婦因怒胸膈不利飲食少思服消導順氣之劑脾胃愈弱飲食愈少大便不實且無度久而便黃水或帶白視其面色黃中隱白余曰黃色脾虛也白色肺虛也朝以補中益氣湯升補胃氣夕以六君子培補脾氣而愈大全方治妊娠忽然下黃汁如膠或如豆汁胎動腹



痛

粳米 伍合

黃芪 陸兩

右以水柒升煎取貳升分為四服

銀芎酒 見前胎動不安

又方用生艾汁貳瓊阿膠白蜜各壹兩煎至柒分溫服

如無生艾煎乾艾濃汁亦可一方加竹茹

方用酒不用蜜

脉經云婦人懷軀六月七月暴下斗餘水其胎必倚而墮此非時孤漿預下故也胎漏徐徐下承今暴下而多故知墮胎也

跌蹠傷胎毒藥傷胎

大妊娠驚胎者乃懷妊將滿胎神已具墜仆傷胎甚至下血不醒若欲驗其子母安否當參第四論治之

薛愚按前證若因怒跌仆或手足抽搐用釣藤湯

見前若因氣滯用紫蘇飲胎上若因脾胃氣虛用六君

子加蘇梗若鬱結傷脾用歸脾湯若鬱怒傷肝脾用

四七湯雜病加芎歸若去血過多用佛手散如不應

膠艾湯氣血虛八珍湯加膠艾

催生神妙佛手散 治婦人妊娠五七月因事築磕

着胎或子死腹中惡露下疼痛不已口噤欲絕用

跌蹠傷者  
逐汚  
養新

胎前傷胎



此藥探之若不損則痛止子母俱安若胎損立便逐下本出徐文仲神驗胎動方云治血上衝心腹滿悶者如湯沃雪又治產前產後體熱敗血腹痛又名芎藭湯

當歸 陸兩

川芎 肆兩 ○張氏方等分

右為粗末每服參錢水壹大盞煎令泣泣欲乾投酒壹大盞止煎壹沸去滓溫服口噤灌之如人行五里再服不過三五服便生一方云此藥治傷胎去血多崩中去血多金瘡去血多拔牙去血多昏暈欲倒者以承煎服或先以漏血腹內疼痛加芍

藥官桂減半隨手効餘詳胎產大法

治妊娠忽因倒地或擊重作勞促損腹中疼痛腫重及子死腹中不出三服立下

川芎 壹兩

右為細末以熱酒調服方寸匕日三四服

按川芎上竄散氣有服之暴亡者若診其脈舉之有按之無者忌服

治妊娠從高墜下腹痛下血煩悶

生地黄

益母草 各壹兩

當歸

黃芪 各半兩

金匱要略

卷之九



胎前 女科 四  
九十四  
右咬咀每服肆錢水壹盞薑肆片煎至陸分去滓無時候

集驗療妊娠二三月上至七八月頓仆失跌胎動不安傷損腰腹痛欲死若有所見及胎奔上搶心短氣下血不止方

乾地黄

當歸

艾葉各貳兩

阿膠

川芎各參兩

右以水柒升煮取貳升半分作三服腹痛甚加杜仲五加皮各參兩一方無地黄有甘草一方無地黄却用生薑自然汁壹匙地黄汁半合馬通半

合煎成藥去滓入此再煎三沸温服 一方有入

參白茯苓水煎

丹婦人因閃挫傷胎肚疼血崩

歸尾

陳皮

白朮

人參

茯苓

白芍藥

川芎各參錢

甘草炙伍分

右咬咀分四貼水參盞煎取壹盞下縮砂末壹錢伍分炒黑五靈脂壹錢

竹茹酒

治妊娠誤有失墜損血胎損疼痛

青竹茹貳合

好酒壹升



右煮三五沸分作三服即安

秦朮湯

療妊娠或因僵仆胎動不安臍腹痛見方

胎動不安

治妊娠偶有所傷胎動不安夜痛不可忍兼治崩血

又兼治子冒又名子癰

縮砂不以少和皮炒令黑色一方用仁熨斗內略

炒為細末熱酒調下貳錢不飲酒者以米飲調下

皆可覺腹中熱則胎已安矣此方神効予常用之

有驗

補遺安胎散 治卒然腰痛下血不已

熟地黃

艾葉

白芍藥

川芎

黃芪

阿膠炒

當歸

甘草

地榆 各等分

右咬咀每肆錢薑伍片棗壹枚煎溫服

毒藥傷者用毒和中薛若因毒藥用甘草黑豆淡竹葉若因頓仆用阿膠

散未應前送知母丸若因頓仆下血腹痛用佛手散

未應用八珍送知母丸血出過多用八珍湯斤許益

母草四兩水煎徐徐與服若胎死以朴硝或平胃散

下之

捷徑方 治用毒藥攻胎藥毒衝心外證牙關緊急

胎前傷胎

女科四

九



口不能言兩手強直握拳頭低自汗身微熱外證  
與中風相似但其脉浮而軟十死一生醫多不識  
若作中風治之必死無疑用白扁豆貳兩生去皮  
為末新汲水調下即效

阿膠散 治妊娠不問月數深淺或因頓仆或因毒

藥胎動不安腰痛腹滿或有所下或胎止搶心短

氣乏力 方見前胎動不安

妊娠誤服諸藥毒致胎動不安治之方

甘草 黑豆 淡竹葉 等分 濃煎汁飲之

奪命丸 治婦人小產下血至多子死腹中其人憎

寒手指唇口爪甲青白面色黃黑胎上搶心則悶  
絕欲死冷汗自出喘滿不食或食毒物或誤服艸  
藥傷動胎氣下血不止胎尚未損服之可安已死  
服之可下若胎腐爛腹中危甚者立可取出此方  
的係異人傳授至妙 此即仲景茯苓桂枝丸但用  
丹皮茯苓桂枝桃仁赤芍  
藥等分是也丹溪亦稱妙



心痛

因妊娠心痛乃風邪痰飲交結若傷心正經為真心痛朝發夕死夕發旦死若傷心支絡則乍安乍作若傷於子藏則胎動而血下 醉前證若飲食所傷用平胃散加枳殼山查若因錯雜諸邪當審其因而治之 一妊婦心痛煩熱作渴用白朮散即愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六君子補之而愈 一妊婦心腹作痛胸脇作脹吞酸不食此肝脾氣滯用二陳山查山梔青皮木香而愈又因怒仍

胎前心痛

女科

卷八

胎前心痛 胎前心痛者 乃風邪痰飲交結 若傷心正經為真心痛 朝發夕死 夕發旦死 若傷心支絡 則乍安乍作 若傷於子藏 則胎動而血下 醉前證 若飲食所傷 用平胃散加枳殼山查 若因錯雜諸邪 當審其因而治之 一妊婦心痛煩熱作渴 用白朮散即愈 後因停食其痛仍作 胸腹膨滿 按之則痛 此因飲食停滯 用人參養胃湯 按之不痛 乃脾胃受傷 以六君子補之 而愈 一妊婦心腹作痛 胸脇作脹 吞酸不食 此肝脾氣滯 用二陳山查山梔青皮木香而愈 又因怒仍



痛胎動不食面色青黃肝脉弦緊脾脉弦長此肝木  
乘土用六君子湯加升麻柴胡木香而愈

火龍散 治妊娠心氣疼

川棟子

茴香炒各  
叁錢

艾葉末鹽炒壹  
錢半

右作一服水貳鍾煎至壹鍾不拘時服

產寶治妊娠卒心痛氣欲絕方

川芎

當歸

茯苓

厚朴製各壹分

右水陸升煎取貳升分二服

白朮湯 治妊娠卒心痛欲死不可忍者出古今  
錄驗

白朮 三兩

赤芍 二兩

黃芩 一兩半

右切以水陸升煮取二升半分叁服半日令盡微

下水令易生忌蒜李雀肉等

千金療妊娠心痛

青竹茹 一升

羊脂 捌兩

白蜜 三兩

右三味合煎每服東核大三枚食前頓服三服

又方青竹茹一升酒二升煮取一升半去滓分温頓

服

又方破雞子一枚酒調服之

又方大麻子三升研水捌升煮取伍升分五服

治前心痛

女計四

九七



又方橘皮兩三 豆豉兩伍 為細末煉蜜為丸如梧桐

子大温水下柴柴丸無時候四方並外臺秘要

補遺沉香降氣湯 茯苓補心湯 四七湯

紫蘓飲皆可用

雷公炮炙論云心痛欲死急覓延胡

### 心腹痛

大夫妊娠心腹痛者或由宿有冷疼或新觸風寒皆由臟虛而致發動也邪正相擊而并於氣隨氣上下上衝於心則心痛下攻於腹則腹痛故冷心腹痛也妊娠而痛者邪正二氣交攻於內若不時差者其痛衝擊胞絡必致動胎甚則傷墮也又云妊娠心腹疼痛多是風寒温冷痰飲與藏氣相擊故令腹痛攻傷不已則致胎動也 薛前證若風寒痰飲用金沸草散雜病胎氣鬱結加香附川芎若飲食停滯用六君加紫蘇枳殼若怒動肝火前藥更加柴胡山梔若鬱

胎前心腹痛

卷十四

痛



結傷脾用歸脾湯健忘加枳殼山梔一妊婦心腹  
作痛吐痰惡心胎氣上攻飲食少思此脾虛氣滯而  
為痰用六君子加柴胡枳殼諸證漸退飲食漸進又  
用四君子加枳殼山梔桔梗而安後因怒兩脇氣脹  
中脘作痛惡寒嘔吐用六君加柴胡升麻木香一劑  
而愈

當歸芍藥散 治妊娠腹中絞痛心下急痛及療產  
後血暈目虛氣乏崩中久痢常服通暢血脉不生  
癰癤消痰養腎明目益津

白芍藥 半斤

當歸

茯苓

白朮

各肆兩

澤瀉

川芎

各貳兩

右為細末每服貳錢食前溫酒調服

元和紀用

經名為六氣經緯丸云能祛風補勞養真陽退邪  
熱緩中安和神志潤澤容色散寒邪溫瘴時氣安  
期先生賜李少君久餌之藥後仲景增減為婦人  
懷妊腹痛方本方用芍藥肆兩澤瀉茯苓川芎各  
壹兩當歸白朮各貳兩亦可以蜜丸服出三  
阿膠散 治妊娠胎動腹中疴痛不思飲食

甘草

貳錢半

白茯苓

白朮

川芎

阿膠

各柒錢半

當歸 炒

治心腹痛

大斗

白



陳皮 各壹兩

右咬咀每服叁錢水壹盞薑叁片棗壹枚煎至柒分服

療妊娠患腹痛并胎動不安

葱白 切壹升

人參

厚朴

阿膠

川芎 各貳兩

當歸 叁兩

右咬咀以水柒升煎取叁升分三服 一方有甘草無厚朴川芎

療妊娠先患冷氣忽中心腹痛如刀切芎歸湯

川芎

人參

茯苓

吳茱萸

苦梗

當歸 各叁兩

厚朴 製

芍藥 各貳兩

右咬咀以水玖升煎取叁升分三服氣下即安

草豆蔻散 治妊娠心腹常痛喫食減少四肢不和

全不入食

草果仁

想是草豆蔻

陳橘皮

乾地黃

白朮

各壹兩

川芎

柒錢半

當歸

炒

桂心

乾薑

木香

各半兩

右為細末每服肆錢水壹盞棗貳枚煎陸分熱服 古今錄驗療妊娠腹內冷痛忽胎動

治心腹痛

女科四

百



胎前 小腹痛 女科四 百二

右以水伍升煮取貳升作三服亦將小便服將去  
一炊頃去

千金療妊娠腹中痛方 生地黄 貳斤 取汁酒壹升

合煎減半頓服愈

治妊娠胎動欲落腹中痛不可忍

上等銀 壹斤 茅根 貳斤 去 以水玖升者銀取  
伍升入清酒壹升同煎茅根取叁升分三服立安

治妊娠四五日忽心腹絞痛

大紅棗 拾肆 燒存性為末童子小便調下

治妊娠心腹痛不可忍方

鹽 壹斤 燒令赤以兩指取一撮酒調服

香茂散 治妊娠五个月已後常胸腹間氣刺滿痛

或腸鳴以至嘔逆減食此由喜怒憂慮過度飲食  
失節之所致也 蔡元度寵人有子夫人怒欲逐

之遂病醫官王師復處此方三服而愈

廣中莪茂 壹兩 丁香 半兩 粉草 貳錢半

右為細末空心鹽湯點服壹大錢覺胸中如物按  
下之狀愈

補遺手拈散 四七湯加歸芍 四磨湯 小烏沉

胎前 小腹痛 女科四 百二



湯安胎飲除地榆 已上諸方皆可選用

腹痛

仲婦人懷胎腹中諸疾痛當歸芍藥散主之 見前心痛

潔地黃當歸湯 治婦人有孕胎痛

當歸 壹兩 熟地黃 貳兩

右為末作一服水參升煎至壹升半去滓頓服

仲婦人腹中痛小建中湯主之 方見傷寒腹痛

雲芎歸湯 治妊娠先患冷氣忽心腹痛如刀刺 見前

心痛

丹孫院君因近喪冒惡氣傷胎肚痛手不可近發熱

口中不思食須安胎散滯氣

胎前腹痛

文十四

痛均



青皮 參錢

歸尾 壹錢半

黃芩

川芎 壹錢

芍藥 各貳錢

木香 伍分

甘草 多少許

分二貼水參蓋先煮苧根兩大片至貳蓋去苧根入前藥同煎至壹蓋熱服

診

治妊娠腹痛用生地黄參斤搗取汁酒壹升合煎減半頓服愈

脉師曰婦人有胎腹痛其人不安若胎病不動欲知生死冷入摸之如覆杯者則男如肘頸參差起者女也冷在何面冷者為死温者為生

小腹痛

大妊娠小腹痛者由胞絡虛風寒相搏痛甚亦令胎動也 薛前證若風寒所搏用紫蘇飲加生薑氣血虛用八珍湯脾氣虛用六君子湯中氣虛用補中益氣湯若腹脹痛用安胎飲加升麻白朮不應兼補中益氣湯 一妊婦小腹痛作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍膽瀉肝湯一劑諸證頓愈乃以四君子加柴胡升麻以培脾土而安

胎前小腹痛

女科四

前五



療妊娠被驚惱胎向下不安小腹痛連腰下血

當歸

川芎 各捌分

阿膠 炙

人參

艾葉 各肆分

大棗 貳拾个

茯苓 拾分

右細切以水肆升煮取貳升溫分三服

補遺 治妊婦小腹痛胎動不安

川芎為細末酒調下

又方 川芎 當歸 各等 水煎溫服

腰腹及背痛

大腎主腰足因勞傷損動其經虛則風冷乘之則腰痛冷氣乘虛入腹則腹痛故令腰腹相引而痛其痛不止多動胎氣婦人腎以繫胞妊娠而腰痛甚者則胎墮也 薛前證若外邪所傷用獨活寄生湯雜病腰痛勞傷元氣用八珍杜仲砂仁膠艾脾腎不足以前藥加白朮補骨脂氣血鬱滯用紫蘇飲加桔梗枳殼肝火所動用小柴胡湯傷寒少陽病加白朮枳殼山梔肝鬱結用歸脾湯雜病健忘加柴胡枳殼 一妊婦頸項強直腰背作痛此膀胱經風邪所致用拔萃羌活湯雜病

右行 腰腹背痛

百六



胎前 腰腹背痛 女科四  
痛一劑而愈。又用獨活寄生湯及八珍湯以祛邪固本而痊。石山治一婦懷妊八月嘗病腰痛不能轉側大便燥結醫用人參等補劑痛益加用硝黃通利之藥燥結雖行而痛如故汪診之脈稍洪近駛曰血熱血滯也宜用四物加木香乳沒黃檗火麻仁煎服四五貼痛稍減燥結潤復加發熱面赤或時惡寒仍用前方去乳香沒藥加柴胡黃芩服一貼而寒熱除又背心覺寒腰痛復作汪曰血已利矣可於前方加人參壹錢服之而安。江篁南治一婦妊娠三個月因閃挫傷胎腰痛小腹疼下血內有熱用當歸白木

黃芩上熟地川芎防風砂仁中艾葉上香附下用水煎服血止小腹不痛去砂仁又用雞子黃叁個以酒攪化煮熟食之即痊。

通氣散 治妊娠腰痛狀不可忍此藥神效。

破故紙不以瓦上炒香熟為末嚼胡桃肉壹个空心溫酒下叁錢。

五加皮散 治妊娠腰痛不可忍或連髀痛先服此散

杜仲肆兩炒 五加皮 阿膠炙

防風 金毛狗脊 川芎

白芍藥 細辛 草薺各叁兩



杏仁搗碎去尖皮熬炒 一方有白茯苓無白芍

右咬咀以水九升煮取貳升去滓下膠作三服

五加皮丸 治證同前服前散後丸

續斷炒 杜仲各貳兩半 芎藭

獨活各叁兩 五加皮 狗脊

草薺 芍藥 訶子肉各肆兩

右為細末煉蜜和丸如梧子大空心酒下肆拾丸

日三

療觸動胎以致腰痛背痛又用蜈蚣黃參同煎

杜仲 五加皮 當歸

芍藥 川芎 草薺各等分

右細剉以水柒升煮取壹升半分温三服

丹仁六嫂有胎腰痛

白朮肆錢 陳皮叁錢 黃蘗炒貳錢半

人參 條芩 川芎

地黃 當歸尾各半兩 甘草炙壹錢

右分四貼水酒煎服

產後氣壅攻腰痛不可忍兼治腹痛

當歸叁兩 阿膠 甘草各貳兩

葱白壹升



右細剉以水米升煮取參升去滓分温三服  
大地黃丸 治產前後腰腹疼一切血疼兼治血氣  
虛四肢不舉骨髓熱疼

熟地黃 貳兩 烏梅肉 當歸 各壹兩

右為細末煉蜜丸如彈子大每服壹丸空心白湯  
嚼下

紫酒 治妊娠腰痛如折

大黑豆 貳合 炒令香熟以酒壹大盞煮取柒分去

豆空心頓服

本治胎動腰痛搶心或下血取蔥白不拘多少濃煮

汁飲之

汗血 療妊娠腰背痛反覆不得

鹿角

長六寸燒令赤酒中淬再燒再淬以角碎為度

取所淬酒飲之

方鹿角為末酒服亦可

血卒腰痛不安或腰痛胎轉搶心下血不止用菖蒲汁

酒壹升服之

妊娠卒胎動不安或但腰痛或胎轉搶心或下血不

正艾葉壹把如鷄子大以酒肆升煮取貳升分為

貳服良

小品芋根湯

療損動胎腰腹痛去血胎動向下方

胎前 婦科 卷之四



生乾地黄

芋根各貳兩

當歸

芍藥

阿膠

甘州各壹兩

右細切以水陸升煮取貳升去滓內膠煎烱分温三服忌海蕪菜

心腹脹滿

大全夫妊娠心腹脹滿者由腹內素有寒氣致令停飲妊娠重因觸冷飲發動與氣相平故令心腹脹滿也薛前證若外感風寒內傷飲食用藿香正氣散雜病中風若食傷脾胃用六君子湯若陽氣壅滯用紫蘇飲胎上一妊婦飲食停滯心腹脹滿或用人參養胃湯加青皮山查枳殼其脹益甚其胎上攻惡心不食右關脉浮大按之則弦此脾土不足肝木所侮用六君子加柴胡升麻而愈後小腹痞悶用補中益氣湯升舉脾氣而瘥一妊婦腹脹小便不利吐逆諸

心腹脹滿

百九



醫雜進溫胃寬氣等藥服之反吐轉加脹滿湊心驗  
之胎死已久服下死胎藥不能通因得鯉魚湯其論  
曰妊婦通身腫滿或心胸急脹名曰胎水遂去妊婦  
胸前看之胸肚不分急以鯉魚湯三五服大小便皆  
下惡水腫消脹去方得分娩死胎此證蓋因懷妊腹  
大不自知覺人皆謂妊娠孕如此終不知胎水之  
患也

倉公下氣湯 治妊娠心腹脹滿兩脇妨悶不下飲

食四肢無力

羌活

赤芍藥

甘草

檳榔

青皮

大腹皮

陳皮

赤茯苓

半夏

桑白皮

桂心 各半兩

紫蘇莖 貳兩

吹咀每服參錢水壹盞薑伍片棗壹个煎柒分去  
滓服無時 局方分心氣飲大同小異加燈心煎  
訶黎勒散 療妊娠心腹脹滿氣衝胸膈煩悶四肢  
少力不思飲食

訶黎勒

赤茯苓

前胡 各壹兩

陳皮

大腹皮

桑白皮 各柒錢半

枳殼

川芎

白朮 各半兩



右為粗末每服肆錢水壹盞半薑叁片棗子壹个煎至柒分去滓溫服無時

安胎和氣飲 治胎冷腹脹痛引兩脇小便頻數大便虛滑

訶子 麵裹煨 去核

白朮 各貳錢

陳皮 去白

高良薑 炒

木香 不見火

白芍藥

陳米 炒

甘艸 炙各壹錢

右作一服水貳盞生薑五片煎至壹鐘不拘時服

忌食生冷之物

治妊娠心下滿氣急切痛

赤茯苓 陸分

桑白皮 伍分

前胡 肆分

郁李仁

檳榔 各叁分

右為細末以水壹升煮取一半去滓夜卧服

紫蘇飲 治妊娠心腹脹滿兩脇妨悶

枳殼湯 治婦人妊胎腹脹

枳殼 叁兩

黃芩 壹兩

為粗末每服五錢水壹半煎溫服如胎前腹滿身體沉重加白朮壹兩

仲景婦人懷妊六七月脉弦發熱其胎愈脹腹痛惡寒者少腹如扇所以然者子藏寒故也當以附子湯



温其藏

附子湯方

附子

貳枚炮去皮破掬片

白朮

肆兩

茯苓

芍藥

各叁兩

人參

貳兩

右五味以水捌升煮取叁升去滓温服壹升日三服

婦人傷胎懷身腹滿不得小便從腰以上重如有水氣狀懷身七月太陰當養不養此心氣實當刺瀉勞宮及關元小便微利則愈



